

INSTRVCTIONES¹ AD PROVINCIALES ET SVPERIORES SOCIETATIS.


Auctoritate Congregationis VII.

vt Directiones tantum,
seorsim impressæ.



ANTVERPIÆ,
Apud IOANNEM MEVRSIUM.
M. DC. XXXV.

SVPERIORVM PERMISSV.



SVPERIORIBVS³ SOCIETATIS.



CONTRACTIS paucis & multis Instructionibus tam à P. N. Claudio p. m. quam à Patribus in VI. Congregatione deputatis, conscriptis; reductisque in librum Ordinationum, quæ vim Legis habeant in posterum; quæ reliquæ erant, intactas censuit VII. Congregatio retinendas esse, ac seorsim imprimendas; ad Superiorum directionem, quibus non parùm in suâ gubernatione iuuarentur, quales sunt Industria, & alia id genus, tum ob multiplicem rerum pulcherrimarum varietatem, ex quarum lectione non exiguus fructus speratur, tum ob me-

*moriam tanti viri, tamque de Uni-
uersâ Societate benè meriti, à quo sa-
pientissimè prodierunt. Faxit Diuina
Bonitas rectam hanc viuendi iuxta
Institutum viam sequamur omnes.
Romæ 2. Februarij. 1616.*

Bernardus de Angelis
Secretarius Societatis I E S V.

I N D E X

I N S T R V C T I O N V M.

1	A D renouationem Spiritus. pag.	6
2	Pro Concionatoribus.	10
3	Pro <u>Confessariis.</u>	15
4	Ad occupationes varias.	24
5	De notitiâ habitâ per confessionem.	29
6	Pro Nouitiis.	30
7	Pro Scholasticis Societatis.	34
8	Pro Coadiutoribus temporalibus.	36
9	De litteris ad P. Generalem.	39
10	De Praefecto spirituali.	47
11	De ratione conscientie.	55
12	Pro missionibus.	58
13	Pro renouatione Spiritus.	65
14	Pro Concionatoribus.	81
15	Pro <u>Confessariis & omnibus Sacerdotibus.</u>	82
16	Pro <u>Nouitiis.</u>	89
17	Pro <u>Scholasticis.</u>	90
18	Pro executione <u>urgendâ.</u>	94
19	De <u>promouendis ad gradus.</u>	100
20	Pro <u>studiis promouendis.</u>	101
21	Pro <u>uifitatione Prouincialis.</u>	105

INSTRVCTIO I.

Ad renouationem Spiritus.

*De promo-
uendis ad sa-
cros Ordines.*



QUAMVIS ex constitutioni-
bus nostri scholastici ad Sacer-
dotium ordinariè circa finem
studiorum promouendi esse
videantur; quia tamen Sacer-
dotes fieri non expedit eos, qui non benè in
spiritu profecerint (cùm post Sacerdotium
longè difficiliùs, si opus fuerit, à Societate di-
mittantur) cauendum est omnino, ne deinceps
qui in spiritu & religiosis virtutibus non benè
profecerunt, aut in vocatione stabiles & firmi
non sunt, ad Sacerdotium promoueantur, etiã-
si suæ bonæ existimationis iacturam, nisi ordi-
nentur, obiiçant. Quare seruanda diligenter
est à Prouincialibus Instrûctio de ordinandis
data anno 1576. & in Consultationibus, quæ
de promouendis ad ordines fiunt, quæ in eâ
Instrûctione præscribuntur, diligenter exami-
nentur; & illud præcipuè accuratè discuti-
tur, quod ad profectum spirituales promo-
uendorum attinet; moneanturque à Prouin-
cialibus Consultores, vt ad Præpositum Ge-
neralem scribant, vtrùm hæc ordinatio exactè
seruetur.

2 Quoniam loci mutatio plerumque mo-
rum

rum mutationem non facit, ideò qui in aliquo Collegio malè se gerit, non mittatur, si fieri potest, ad aliud, nisi priùs iuuetur, vbi deliquit; etiamsi spes aliqua sit ex eà mutatione, cum qui mutatur profecturum. Si quando tamen Superiori videbitur, aliquem aliò amandandum; mittatur etiam integra & prudens instructio de moribus eius qui mittitur, ad Superiorem eius loci, ad quem is à Prouinciali destinatur; vt hac ratione meliùs regi, & in Domino iuari possit.

3 Nostris iter agentibus, vt de necessario viatico debità cum caritate est providendum, ita nullà ratione permittendum est, vt pecunià illis detur ad superflua cõmenda, & quæ Religiosæ paupertati minimè congruunt, vt sunt curiosa & pretiosa: & multò minùs, vt ab externis, seu consanguineis, cum ædificationis iacturâ, conquiratur.

4 Vt paupertatis puritas, & perfectio diligentius à nostris acquirantur, vigilandum à Superioribus est, ne quid in Societatem introducatur, quod vel huic paupertatis perfectioni aduersetur, vel proprietatem aliquam sapiat. Quarè vt abusus superfluarum commodatum, si quis est, penitus tollatur; curent diligenter Superiores, vt omni necessitati, habità ratione personarum, debità cum caritatis significatione, provideatur. Ex quo præter multa alia, illud in primis sequetur commodum,

dum, ut eâ ratione facilius superflua, & quæ proprietatis speciem habent, tolli possint. Quâ in re antiquiores & grauiores Patres, & Superiores etiam ipsi, omnibus præluere debent exemplo.

Abusus vestium in cubiculis.

5 Tollendus videtur ille abusus, ut aliàs ordinatum est, ne scilicet in nostrorum cubiculis duplices vestes habeantur; sed apud vestium custodem, ut est communis Societatis consuetudo, seruentur: quod etiam de alijs rebus, quæ in usu non sunt, qualia sunt instrumenta quædam ad iter agendum, & his similia, intelligendum est.

Nihil à cognatis, vel amicis accipiendum pro lectionibus scribendis.

6 Et si Regula 90. Prouincialis cauetur, ne quidquam nostri à cognatis vel amicis accipiant; quia tamen videmus paullatim non leuem abusum in hoc irrepsisse, cum nostri, præsertim Scholastici, non raro ob describendas ab externis scriptoribus lectiones, cum eas ipsi ob infirmam valetudinem scribere non possunt, pecuniam conquirant; quâ occasione in alios etiam usus non necessarios sæpè conuiuentibus immediatis Superioribus, illam expendunt; ut in posterum omnis talium rerum occasio præcidatur, nullâ ratione permittant Superiores, pecuniam à quopiam è nostris ad tales vel similes usus conquiri vel accipi. Quod si quis iudicio Superioris, qui necessitatem intueri debet, indigeat lectionum descriptione; id fiat pecunijs Collegij, in quo

Quomodo Superiores indigentibus proficiant.

quo ille habitat. Quam ob causſam Prouincialis curet, aliquam pecuniæ ſummam illi Collegio applicare, ne hiſ expenſis extraordinariis nimiùm grauetur.

7 Nullâ ratione permittatur, vt noſtri apud ſe habeant & ſecum ferant quædam, quæ pauperibus, quales nos ſumus, minimè conueniunt: vt ſunt horologia rotata, & affabrè facta; Reliquiaria valdè curioſa, & pretioſa; imagines item multi valoris, & ſimilia.

8 Ne paupertatis ſanctæ cuſtodia, quæ plurimùm cordi nobis eſſe debet, vllâ ex parte violetur; tollatur abuſus ille, qui apud aliquos, vt audimus, irrepſit; qui rei deformitatem fortè non attendentes, in libris, quos de Superiorum licentiâ apud ſe habent (qui tamen pauci eſſe debent, & certî quidam) inſcribunt *Ad vſum talis*, &c. qui loquendi, vel inſcribendi modus vel prorsus inutilis eſt, vel ſi aliquid efficiat, vt ſcilicet Superiores de huiusmodi libris minùs liberè diſponant; paupertatis perfectioni & puritati apertè repugnat: cùm non tantùm in rerum dominio, ſed in illarum vſu etiam paupertas plerumque lædi poſſit. In iis igitur libris, qui communiter à Superioribus cuiſcumque conceduntur, & aſportari communiter ſolent (vt ſunt Conſtitutiones, vel illarum Summarium, Ioannes Gerson, vel ſimilis aliquis pius libellus, Officium B. Virginis, & Sacerdotibus Breuiarium,

Curioſa & pretioſa interdiciuntur.

Abuſus proprius librorum.

Quinam permittendi.

rium, Diurnum, nonnullis etiam Bibliorum exemplar, & Summula aliqua Casuum, & his similes) nihil inscribendum est. Reliquis vero libris, qui alicui conceduntur à Superioribus; vel permittitur, ut eos emi curet (quos tamen in unum, vel aliud Collegium asportare non licet) inscribendum tantum est nomen ipsius Collegij vel Domus, cui sunt applicati.

INSTRVCTIO II.

Pro Concionatoribus Societatis.

In virtutibus benè fundentur.

I



VM Concionatorum munus tanti momenti sit, & expræcipuis, quæ Societas ad proximorum salutem procurandam exercet; diligenter à Superioribus curandum est, ut qui ad hoc munus talentum à Domino acceperunt, benè ab ipso etiam studiorum tempore in hunc finem instituantur, ut possint suo tempore illud benè ad Dei gloriam, & proximorum salutem fructuosè exercere. Quare si qui perspiciuntur huiusmodi esse, in humilitate & ceteris virtutibus benè fundentur, quò tutius id muneris exequi suo tempore possint. Nullâ ratione autem sinantur
concio-

concionibus aliorū describendis tēpus terere.

2 Quoniam verò Scholaſtici noſtri in do-
meſticis concionibus frequenter exercentur, *Quomodo
formandi.*
non ſolū ob varias vtilitates, ſed etiam vt huic
muneri publicè & ad populum ſuo tempore
præſtando aſſueſcant; in priuatis concionibus,
quæ in Reſectorio haberi ſolent, non tantū
ea, quæ ad Religioſos propriè ſpectant, tracta-
ri poterunt; ſed interdum etiam illa, quæ ad
populi ædificationem facere cenſentur: nimi-
rum ſi Chriſtianæ virtutes, vt eleemoſyna, ca-
ritas in proximum, & ſimilia proponantur; vi-
tia item, vt ambitio, auaritia, ira, & alia huius-
modi vituperentur. Hæc autem ita explicari
poterunt, vt non quaſi ad Religioſos tantū,
ſed veluti ad populum etiam & ad ſeculares
homines ſermo dirigeretur.

3 Ad Præſectum concionum pertinebit, *In argumen-
to tractando
à Præſecto
docendi ſunt.*
thema ſeu argumentum iis, qui concionatu-
ri ſunt, designare; ac pro eorum capto vnum,
aut alterum, aut plures etiam Auctores, qui
illud argumentum benè tractarunt, assignare;
vt ex eorum lectione illi materiam eliciant, ex
quâ ſuam poſteà concionem, iuxta cuiusque
propriam inuentionem, componant; ac de-
nique viam illis aperiat, prout neceſſe cuique
fore perſpexerit, ad benè diſſerendum de ar-
gumento, quod tractandum aſſumunt. Con-
ueniet etiam iis, qui concionaturi ſunt, tem-
pus aliquod concedi, iuxta Superioris arbi-
trium,

trium, in quo commodè parare se possint: quod ut multum esse non debet, ne nimium à studiis distrahantur, ita modicum esse non expedit, ne imparati ad concionandum accedant. Quare propter varias occupationes, quibus Scholastici distinentur, à quibus propter concionem eximi non debent, biduo saltem antè monendi erunt.

*Quomodo
exercendi.*

4 Ad hunc finem, in præcipuo præsertim Prouinciæ Seminario, benè exercitatus è nostris aliquis concionator Præfectus concionum constituendus est: qui & exemplo suo, & procurâ hac sibi demandatâ, nostros diligentius exerceat, præcipuè verò tertio & quarto anno Theologiæ: & post singulas conciones liberè & amanter eosdem priuatim (re prius, si videbitur, collatâ cum Superiore, aut huius iudicio cum aliis Patribus) moneat, in quo defecerint, quoad vocem, gestus, & alias boni concionatoris partes: idque illi in proximâ concione emendare studeant; iudiciumque Præfecti de emendatione factâ, aut non factâ, iterum intelligant, donec bonum habitum induant. Commendabit verò, condemnabitque tum Superior, tum Præfectus, quæ commendatione aut condemnatione digna videbuntur. Alij verò, ad quos hoc non pertinet, minimè permittantur, nec facilitè & immodicè eos laudare, nec liberè carpere.

5 Ut tunc cum fructu iuxta ipsorum finem
fiant,

fiant, præficiendus illis omnino erit, qui in concionandi ratione eos qui tonos faciunt, benè & prudenter instruere possit: idque suauiter ipse præstabit, antequàm è suggesto illi abeant, commendando quoque subinde quæ oportet. Vtilitas verò è tonis maior speratur, si quadrante horæ circiter ij præmoneantur, qui eos facturi sunt, themate illis assignato.

*De tonis
cum fructu
faciendus.*

6 Non est existimandum, ad eundem concionandi modum, vel vnus celebris concionatoris imitationem nostros adigendos esse, vel adigi etiam posse: communia verò documenta ad proprium, quem quisque à naturâ habet concionandi modum & facultatem accommodanda sunt; cum variâ sit hominum conditio. Monendi igitur omnes sunt, qui ad hoc munus instituuntur, ne alios in voce & gestu imitari studeant, quando id quod imitantur, quamuis bonum sit, naturâ consequi non possunt.

*Ab affectatâ
imitatione
arcedi.*

7 Qui concionandi talentum habuerint, si post absoluta studia scholastica duos annos ad ea repetenda, iuxta Reg. 52. Prouincialis, posuerint; post tertium annum probationis, antequàm concionandi munus suscipiant, priuato studio sacræ Scripturæ, & legendis Patribus, ac sanctæ meditationi saltem per annum vacent. At verò qui biennium ad repetenda studia non habuerint, per duos annos iis rebus incumbant. Vnde illud etiâ commodum sequetur, quòd tantopere aliorum concio-

*Vacent sacra
Scriptura,
& legendis
Patribus
saltem per
biennium.*

concionibus describendis non inhiabunt.

*Quales esse
oporteat.*

8 Vt nostri concionatores fructuosius suum munus exequantur, meminerint Regulæ 2. concionatorum; & diligenter curent, vt in ipsis vigeat zelus animarum, caritas, orationis studium, & deuotio. Imò verò exercitia spiritua- lia subinde ab illis vltro & libenter repetita plurimum ad hæc omnia proderunt. Caueant similiter ab iis, quæ & concionatores pluri- mum distrahunt, & eorum studia impediunt; & spiritum ac deuotionem minuunt, vt sunt nimix familiaritates cum externis, eorundem visitationes, donaria, præsertim à feminis, fa- cile admissa, & his similia.

*A quibus
cauendum.*

*Extra domos
ne concionen-
tur, qui ci-
bu Quadra-
gesima, &c.*

9 Quoniam verò nostri ad concionandum in Quadragesimâ extra Collegium interdum mittuntur, & accidere nonnumquam potest, vt ij qui mittuntur, ob infirmam vel imbecil- lam valetudinem cibis Quadragesimalibus vesci non possint; ideò ad maiorem proximo- rum ædificationem melius fore iudicauimus, ne huiusmodi concionatores in posterum ex- tra nostras Domos in Quadragesimâ concio- naturi mittantur. Cum iis verò, qui in Domi- bus nostris concionantur, nemini in hoc dispen- set inconsulto Prouinciali, qui in huiusmodi dispensatione necessitatis, & maioris diuini obsequij rationem habebit. In victu verò & vestitu ea lautitia, illæ item singularitates & exemptiones, quibus alij merito offendun- tur,

*Eorundem
fugalitas.*

tur,

tur, concionatoribus minimè concedantur.

10 Qui talenta ad concionandum ostendunt, præsertim rariora, non diutius quàm par est in docendi munere tam humaniores litteras, quàm Philosophiam & Theologiam detineantur: ne si secus fiat, quando in iis studiis penè consenuerint, tunc demum ad concionandum accedant. *Quamdiu docerunt.*

INSTRVCTIO III.

Pro Confessariis Societatis.

PRINCIPIÒ; quod habetur in Regula Prouincial. 100. de maturitate Confessoriorum, id in primis curandum, vt multò maior ratio maturitatis habeatur in spiritu, moribus, & ædificatione: alioqui ætas, quæ conciliare etiam solet auctoritatem, non multum proderit. *Maturitas in moribus, &c.* Prima ergo cura ponatur circa promotionem ad Sacerdotium, iuxta ea quæ dicuntur §. 1. ex Deputatione pro renouatione spiritus. Cauendum verò, ne spe futuræ emendationis adhibeatur hoc medium promotionis ad illos in spiritu iuuâdos, nisi aliunde constet emendatio. *De promotione ad Sacerdotium.* Ad hæc quod præscriptum fuit ahno 1590. §. 6. de biennio expectando recens ordinatis, ita seruetur, vt & illo tempore, & etiam post illud, antequàm ad mulie-

Non nisi post biennium ad mulierum confessiones exponantur.

mulierum confessiones exponantur, occupentur virorum confessionibus audiendis: tum vt maioribus laboribus assuescant, & fructuosius ac latius occupentur; tum vt experiatur Societas, ecquid in hoc ministerio valeant; tum denum, vt hoc modo maturiores fiant, nec imparati accedant,

*Ad crates
mulieres au-
dienda.*

2 Regula 15. Sacerdotum, vt ad crates mulieres audiantur, omnino seruetur, etiam in summâ frequentiâ, neque excusationes admittantur, etiam si sint puellulæ.

*De non pro-
trahēdu col-
loquiu in cō-
fessionali.*

3 Et quoniam plurima habet incommoda, si in confessionalibus longa protrahantur colloquia, omnino Regula 17. Sacerdotum exactè seruetur, ne de rebus ad confessionem non pertinentibus eo loco loquantur. Quòd si cōtingat de aliis rebus ad consolationem, vel utilitatem illarum esse loquendum; id non flexigenibus in confessionalibus, sed stando vel sedendo breuiter & modestè, demissis oculis (vt Regula dicit) fieri debet. Quare operæpretium erit, nonnulla loca patenuia & decentia in aliquâ tēpli parte, pro ratione regionis, assignare, ad quæ feminæ accedant, vt nostros alloquantur: sic enim fiet, vt & colloquia breuius finiantur, & minùs frequenter accedant, cum pateat sermones illos non esse confessionem; & non offendantur alij, dum existimant, confessiones earum, quæ frequenter confitentur, aded in longum protrahi, & vt omnis occasio

*Extra con-
fessionem in
patenti loco
colloquan-
tur.*

præci-

præcidatur. Si pœnitentes prætendant scrupulos, instruant illas Confessarij, ne historias narrent, & inutilia repetant; & interdum etiam ipsi sermonem abruptant. Nam si verè scrupuli sunt, ubi id illis certò constet, nihil opus erit longas orationes audire. Quòd si agatur de meditationibus, & spiritualibus exercitiis, fiat id potiùs per spirituales libellos Granatæ, & aliorum, quos apud se legant. Et si in aliquo casu particulari aliter faciendum esset, id non fiat, nisi consulto Superiore.

Quid enim de scrupulis & spiritualibus exercitiis agitur.

4 Seruetur etiam Regula 21. Sacerdotum.

Curetur etiam, ne Confessiones generales excipiantur earum quæ semel generaliter alicui confessæ fuerant, nisi id exigeret manifesta necessitas Sacramenti ob confessiones inualidas. Quod tamen in huiusmodi rarò admodum probabile est posse contingere.

De generaliter audiendu.

5 Constituantur syndici non modò Æditi, & aliqui ex sociis, sed nonnulli proximi Sacerdotes, qui obseruent, & Superiorem moneant, tam de prolixis confessionibus, quàm de colloquiis, quæ extra confessionem protraherentur.

Syndici.

6 Quæ matutino tempore sunt confessæ, vel sequenti die manè confiteri debent, non permittantur à prandio accedere prætextu confessionis; sed si accesserint, Confessarij reiiciant in diem crastinum, si sunt communicaturæ; & si illo ipso die, quo accedunt, com-

Manè confessa non audiuntur à prandio.

municauerint, differant ad diem sequentis confessionis.

*De socio se-
cun retinen-
do.*

Monendi.

*Etiā remo-
uendi à con-
fessione se-
minarum.*

*Quando lo-
cus infirma
angustus est.*

7, Circa Regulam 18. Sacerdotum, de re-
tinendo secum socio, omnino exactè seruan-
dam, inuigilent Superiores diligenter, & ac-
ceptis his nostris conuocent omnes Sacerdo-
tes, illisque tum alia quæ ad eos spectant,
tum præcipuè litteras nostras legant, quas de
hac re 15. Iulij anno 1585. ad Superiores de-
dinus. Iis verò, qui suas Regulas 15. 16. 17.
& 18. non seruauerint, monitiones seriæ, &
pœnitentiæ primâ vice iniungantur: & quam-
uis nobis non placuerit vniuersim præceptum
imponere obedientiæ, vt id seruent, tamen
alicui particulari, qui eo fræno indigebit, po-
terit, ac etiam debet Superior id imponere.
Quòd si id non seruare fuerint deprehensi, re-
moueantur statim à confessione seminarum,
& nos moneamur, vt dispiciamus, an tales in
Societate retinendi sint, utpote qui in re gra-
ui, periculosâ, & tam seuerè iniunctâ parere
noluerint. Quòd si locus vbi infirmæ iacent,
ita angustus sit, vt per loci dispositionem fie-
ri non possit, vt socius Patris adsit; cùm pri-
mùm Domum redierint, Superiorem mo-
neant, vt is consideret, an secundò illuc re-
deundum sit, vel potiùs (in quod magis inclina-
mus) ea cura propriis Parochis relinquenda.
Quod vt melius omnino seruetur, iniungitur
Superioribus omnibus, vt in publicis exhor-
tatio-

rationibus moneant omnes, quod quamuis ^{Publicè Socij docendi de hac regula.} nulla sit peculiaris regula, quæ socios moneat, vt ipsi Superiōri significant cūm redierint, an Sacerdos regulam seruauerit; tamen & ex nonnullis regulis aliis, & ex nostrâ hac peculiari ordinatione, socij & fratres omnes tenentur, Superiorem eâ de re verè & syncerè monere: quod si non fecerint, intelligant, nec suæ conscientiae, nec Societatis bono se satisfacturos; & Superiores in eos, tamquàm in inobedientes esse animaduersuros. Sacerdotes verò, etiamsi maximè socij extra remanere vellent, nullâ ratione id permittere debent; tum ne illi otiosa colloquia cum aliis misceant, tum ne ipsi sint sine teste.

8 Circa Communionis frequentiam optandum est, vt seruetur Regula 26. Sacerdotū, ne crebrius, quàm octauo quoque die, &c. ^{De Communionis frequentia.} Sed quoniam in nonnullis ciuitatibus, vbi passim maior est communionis frequentia, & cum nonnullis personis, quæ ab aliquo tempore frequentius in hebdomadâ communicant, vix fieri poterit; saltem illud retineatur, vt in futurum nec Confessariis, nec Rectoribus liceat dispensare, nisi tantum Prouinciali, vt bis in hebdomadâ fieri possit. Cum iis verò, qui consuetudinem habent frequentius communicandi, curetur quod suauius fieri possit. Illud tamen non dubium est, si Confessarij serio sibi persuadeant, id maiori proximorum

B 2

vtili-

utilitati, Societatis bono, & ædificationi convenire; fore, ut cum utrisque feliciter omnia transigantur.

De mulieribus inuisendis.

9 Et quoniam magnâ iacturâ temporis & fructus spiritualis in ministeriis, certè plusquàm oportet, mos inolevit visitandi & salutandi; qm̃ino necessarium duximus ad meliorem regulæ illius observationem, quæ de non inuisendis mulieribus agit (est autem 72. Præpositi, & 70. Rectoris) aliquid certius statuere. Et sanè extra casum necessitatis (qui esset, verbi gratiâ, in aliquâ infirmitate, aut luctu, aut morte aliquorum, pij alicuius negotij, & huiusmodi) rarè admodum spes ista magni fructus evenire potest. Quia tamen modus agendi Societatis, accepta beneficia, & declinatio rusticitatis cuiusdam non permittunt, ut hæc officia nostris omnibus interdicanter, moderatione aliquâ opus erit. Hanc nos commodissimam hoc quidem tempore arbitrati sumus, ut habeatur ratio tum personarum, quæ inuisuntur, tum nostrorum, qui inuisunt. Itaque tria concurrere debent, ut aliqua digna existimeretur, quæ à nostris officij causâ inuisatur. Primùm, ut sit persona nobilis & primaria: neque enim omnibus deuotis cuiuscumque gradus id officij par est præstare: cùm satis possint in nostris ecclesiis, & confessionibus, & piis colloquiis, & iuvari & instrui. Secundò, ut sit benemerita non

Tria requisita ad inuisendum.

non vulgariter de Societate. Tertiò, ut in domo illâ marito, cognatis, vel huiusmodi, id officij gratum potius quàm odiosum esse credatur. Ceterùm ne in designatione huiusmodi personarum errari contingat, volumus, cum Prouincialis visitat singula Collegia, auditis Consultoribus designet eas, quibus sine *Persona designantur.* offensione, præter circumstantias iam dictas, id negari non debeat: ceteras omnes huiusmodi visitationes superfluas prohibeat. Nostri autè, qui id facere possunt, videntur eligendi quàm paucissimi, nimirum Superior, qui quasi publico nomine pro Collegio id exhibeat (ita tamè, ut valdè moderatè & circumspèctè id faciat, ut aliis exemplo præluceat) & Confessarius; cum quo tamquàm Patre spiritali personæ, quæ visitandæ sunt, confidenter agere possint; qui si prohiberetur; maximè offenderentur. Ceteri verò, si quando expediat ut aliquis mittatur, non ipsis petentibus, sed Superiore suo nomine eos mittente, si fuerint viri serij, graues, & spirituales, poterunt interdum id præstare.

10 Prouinciales autem in Visitationibus diligenter inquirant, quomodò hæc omnia ser- *De iis omnibus Generalis monetur.* uentur, & nos exactè moneant. Curent etiam, quod aliquando quibusdam litteris vniuersalibus commendauimus, ut occasione missionum Confessarij interdum mutantur; ne angustus sit fructus, si perpetuò cum nonnullis deuotulis occupentur.

*Ad hoc mu-
nus affecti
sint.*

*Trasertim
erga paupe-
res.*

*Eorumdem
munus &
spiritus.*

11 Curandum, ut nostri Confessarii, iuxta Regulam Sacerdotum 8. multum affician-
tur ad hoc munus, ut proximis pernecessarium,
& nostri Instituti valde proprium: præcipue
verò inuigilandum, ne sint minus affecti mi-
nusque prompti erga homines pauperes aut
vulgares. Quòd si hos refugere deprehende-
rint Præfectus Ecclesiæ, vel Æditiui, omnino
Superiori significandum erit, ut Confessarium
officij serio monere possit.

12 Curandum item diligenter, ne nume-
ro potius pœnitentium, quàm fructu eorum
spirituali gaudeant; magisque solliciti sint, ut
ad veram contritionem pœnitentes promo-
ueantur, vitia emendent, in viâ spirituali di-
rigantur & promoueantur. Ac quoniam
in hac parte notabilis remissio ex spiritus, ac
zeli in Confessariis defectu aduertitur; de hoc
resuscitando elaborandum est: nec alia media
efficaciora videntur, quàm orationis, medita-
tionis, ac mortificationis studium, otij decli-
natio; moderata, & ex spiritu Societatis or-
dinata cum externis conuersatio; de spiritua-
libus rebus, & modo iuuandi animas cum do-
mesticis colloquutio, regularum omnium, ea-
rum præsertim, quæ de feminatum confessio-
nibus præscribunt, ut superius dictum est, ex-
acta observatio.

*Abusus tol-
lendi.*

Quarè tollendi sedulo qui sequuntur abusus,
sicubi existant: plures horas dare pauculis fe-
minis,

minis, vt aliis ad confitendum locus non sit; alias confiteri volentes arcere, ne filia propria spiritalis (vt vocari consueuerunt) expectare cogantur.

13 Sicubi non est introductum, valdè cupimus, vt introducatur, quod Romæ & alibi fit, si accurrentium frequentia id postulet; vt scilicet designati Sacerdotes statis diebus certis horis in templo resideant, vt qui confiteri volunt, ad manum habeant Confessarium. *Designentur in templo statui diebus.*

14 Quæsierunt nonnulli, quâ formulâ vtendum esset nostris in absolutione ab excommunicatione, & aliis censuris, cùm decima Regula Sacerdotum omnibus eandem præscribat. Respondimus, in foro quidem conscientia, quod frequensest, vtendum formulis, quæ habentur in Directorio P. Polancipia mem. Sed in foro exteriori, quod rarissimè eueniet, si ex delegatione Prælatorum aliquando contingat, sequantur formulam in eo Episcopatu receptam. *De formulâ absoluenti a censuris, &c.*

15 Ad otium autem vitandum, & occurrendum quorundam nostrorum querimoniis, dicentium, in paruis aliquibus Collegiis non satis esse occupationum; quamuis nihil opus sit statuere aut ordinare, cùm ex regulis, & constitutionibus, & formulâ Instituti satis constet. non deesse plurima, in quibus iuxta gratiâ nostræ vocationis occupari debeamus; tamen vt id Superiores quasi cōpendium præ

oculis habeant, non erit inutile, si quæ nobis à Prouinciâ Romanâ anno 1590. proposita fuere, quorumque copia iam fuit transmissa, inspiciant; vt subditi iuxta Superiorum arbitrium & voluntatem, habitâ locorum, temporum, & personarum ratione, in iis exerceantur.

INSTRUCTIO IV.

Ad occupationes varias,

In quibus Sacerdotes operarij Societatis cum fructu exerceri, & tempus utiliter collocare possunt: à Congregatione Prouinciæ Romanæ anno 1590. propositas.

Et à R. P. N. Claudio Aquaiuiuâ Præposito Generali approbatas.

Occupatio-
num tria ca-
pita.



MNES occupationes, quæ in Collegiis Societatis vel iam sunt, vel introduci possunt, ad tria capita reducuntur: primò ad spiritum: secundò ad studia: tertio ad proximos.

Pro spiritu,
orationis af-
siduitas, &c.

I Quoad spiritum, in primis opportuna erit oratio, & meditatio extra illam horam assignatam à Regulâ, prout cuique deuotio suggesserit, & quantum per caritatis & obedi-

dientię occupationes licuerit: dūmodò semper Confessarius, vel Superior consulatur. Oratio enim non solū faciet, vt benè & sanctè insumatur illud tempus, sed etiam expellet aliā viā otium, quia impellet ad agendum, & quærendos vltro proximos quos iuuenus. Atque in hoc capite non solū comprehenditur oratio ipsa, sed etiam lectio librorum spiritualium, & omnes eiusmodi spirituales mentis exercitationes in Deum.

2 Quoad studia, bonum est, vt nostri Sacerdotes paullò magis delectentur studiis, tum *In studiis.* ad otium vitandum, tum propter utilitates *præsertim* quæ consequuntur. Et ideò non est res restrin- *Casuum con-* genda ad vnum tantū genus; sed possunt se *scientia, oc-* exercere in pluribus. Primò & præcipuè in Ca- *cupatio.* sibus conscientię: deinde in Scripturâ sacrâ, & sanctis Patribus: aliquando etiam legere historias Ecclesiasticas, & vitas Sanctorum. In quo etiam iuuerit, vt meliùs seruire possint quæ leguntur, conficere sibi compendium non modo Casuum, sed etiam selectorum exemplorum, quæ deinde sint vsui inter agendum cum proximis. Confert etiam plurimū, si sæpè legant, & præ manibus habeant librum Exercitiorum spiritualium, Directorium. P. Polanci, & Methodum iuuandi morientes. Sed tamen videndum est, ne occupentur in quibusdam studiis inutilibus, ex quibus vel nullus est fructus, vel quæ non sunt proportionata illo-
B 5 rum

rum capacitati, quia sic amittitur tempus. Iu-
uabit etiam, ut sit maior copia librorum varij
generis in Collegiis. In particulari, quoad Ca-
sus conscientiarum, fiant conferentiarum exactè & di-
ligenter de rebus vtilibus & practicis, & præ-
uideantur materiæ: quia si fiant ut debent, bis
in hebdomadâ, & hoc modo quo diximus,
erit hæc inter alia satis bona & utilis occupatio.

*Zelus cum
proximo.*

3 Quoad tertium, de proximis, vix potest
desse occasio, si quis velit, & habeat zelum.
Quare hoc præcipuè procurandum, ut nostri
conspiciant & foueant hunc zelum, ita propriū
nostri Instituti. Modi autem & occasiones iu-
uandi proximos multæ sunt, & ferè in omni-
bus locis sunt: ut docere Doctrinam Christia-
nam, tradere exercitia, & quærere & induce-
re homines ad ea peragenda, cum prudentiâ
tamen; visitare hospitalia & carceres; quære-
re eleemosynas pro iis qui sunt in carcere &
Xenodochiis; pacificare inimicitias, facere
conciones vel exhortationes in iisdem locis,
reducere eos qui sunt in malo statu, iuuare con-
fraternitates, ubi sunt, iuxta nostrum Institu-
tum, & ubi non sunt, introducere; adire scho-
las externorum, & in eis, consentientibus ludi
magistris, aliquas exhortationes habere: iu-
uentutem ad confessionem allicere, quamuis
melius sit curare, ut ipsi magistri per se hoc
faciant: visitare infirmos ad eos consolan-
dos, & spiritualiter iuuandos; quâ ratione iu-
uantur

*Modi iuuân-
di proximos.*

uantur etiam propinqui qui adsunt, & fiunt amici, & facile adduci possunt ad frequentanda Sacramenta. Pro hoc etiam confert, cum proximi veniunt ad nostrum Templum, libenter eos admittere, & audire in confessione, etiam si cum aliquo nostro incommodo: & cum occurrunt nobis in viis, inuitare eos quolibet occasione, vel levis amicitiae, tum etiam parentes discipulorum nostrorum conciliare Societati. Iuuabit etiam facere interdum conferentias de modo iuuandi proximos, verbi gratia, infirmos, vel qui modus tenendus sit in pacificandis discordibus; aut in confessione quid remedij dari possit huic vel illi peccato. Præterea possunt fieri missiones ad loca vicina per duos aut tres dies hebdomadae, ita ut redeant & adsint die Dominico. Iuuabit etiam, quod sit erga proximos, non facere casu, sed scienter & cum consideratione, animo repetendo, quomodo audita sint confessiones in particulari huius vel illius: quomodo remedium positum sit huic vel illi, qui indigebat: item, quo affectu, quo zelo, quâ patientiâ. Denique curandum esset, ut in omnibus locis ubi residet Societas, hoc intelligeretur, Societatis professionem hanc esse, ut præstò semper sit ad proximos; neque illi gratius quicquam esse posse, quam ad hoc adhiberi omni horâ, in omnibus rebus consentaneis nostro Instituto. Hoc enim faceret, ut omnes ad nos libenter cõcurrerent.

*Conferentia
de modo iuuandi.*

*Observanda
à Superioribus.*

4 Sunt etiam quædam obseruanda à Superioribus, & primò, vt ipsi quoque, & quidem omnium maximè, ferueant zelo animarum, & cum præ se ferant, & sæpè animent suos, atque ipsis factis ostendant id sibi cordi esse, fouendo, & promouendo profectus proximi, & præbendo auxilium, quod possunt; & inter alia faciliè dando socium, quando petitur. Præterea ipsi quoque pro parte suâ faciant quod possunt, eundo interdum ad hospitalia, & ad moribundos: at si non eunt sæpius, constet non ire propter occupationes sui officij. Præterea non faciât ipsi quoque omnia per se, & præsertim nobiliores actiones, sed diuidant eas cum suis. At cum aliquis se excusat, quòd non possit, vel non habeat talentum, non faciliè admittant, sed animent, quia Deus concurrat & adiuuat. Tollant alias occupationes minùs vtilis, & quæ tempus præcipiunt, animosque ab vtilioribus, necessariis, institutoque magis propriis auocant: cuiusmodi sunt excursions, visitationes, confabulationes cum externis, vel etiam cum nostris. Curent vt in omnibus Collegiis sit vnus saltem doctus, quia ille exercebit reliquos: & faciant, vt in Collegiis semper vigeant aliquæ bonæ exercitationes. Denique Superiores ipsi curent, non solum vt cum suis consultant de modo fugiendi otij, & quænam bonæ & aptæ exercitationes introduci possint; sed etiam inuigilent, vt his nostri

noſtri occupentur. Ipli enim, cùm meliùs norint ſtatum, & conditionem illius ciuitatis, & loci, in quo ſunt; faciliùs poterunt inuenire, in quibus poſſint occupari.

INSTRVCTIO V.

De notiâ habitâ per Confessionem,

Ne noſtri, vel Superiores, vel alij eâ utantur, etiamſi uſus aliqui licitus foret.

A.R.P.N. Claudio Aquaiuâ Præpoſito Generali tradita anno 1590.



AMETS I non deſunt Doctores, qui ſentiant ſaluo Sacramentalis confeſſionis ſigillo, iuſtis de cauſis licere nonnumquàm Confeſſario (cùm id fieri poteſt ſine ullâ reuelatæ confeſſionis ſuſpicionem) vti extra confeſſionem notiâ per confeſſionem habitâ; tamen quoniam hæc doctrina, & eam exigit tantâ re circumſpectionem, quam ſeruare perdifficile ſit; & interim poſſet aliquando retardare ſubditorum libertatem, quam huius fori ſanctitas, & noſtræ Societatis Inſtitutum requirunt in ſe ipsis rebusque

*Citantur à
Dominico
Soto lib. de
Ratione ſe-
creti m. 3. q.
4. & à Na-
uar. c. Sacra-
dor. de po-
nit. d. 1. nu.
144. & ſeq.*

*Interdicitur
huiusmodi
disciplina,
&c.*

que suis Confessario aperiendis; idcirco visum nobis est in Domino statuere, sicut & seuerè statuimus, pro reuerentiâ, quâ semper Societas nostra coluit huius Sacramenti inuiolabile sigillum, & libertatem; ut omnes Superiores diligenter caueant, ne vel ipsi, vel nostrorum aliquis, supradictam doctrinam usquam introducant, nec illâ publicè aut priuatim doceant: nec eâ vtantur vlllo modo (nisi fortè de pœnitentis licentiâ) sed ita prorsus in omnibus casibus nostri se gerant Confessarij, ac si in confessione nihil penitus audiuiissent; sibi que persua-deant, ut humanarum rerum regimen ab hoc Sacramento longissimè distat, ita debere nullatenus ab eo pendere.

INSTRUCTIO VI.

Pro Nouitiis Societatis.

*Delectus in
admittendo.*



QUONIAM prima boni status Societatis origo in admittendis iis consistit, qui nostro Instituto congruunt; idcirco Superiores, ad quos admittendi munus spectat, in admittendo non sint nimij, sed delectum personarum habeant: nec nostrorum, vel aliorum importunitate moueri se sinant: nec bona externa, vel nostrorum affinitatem, sed potius ad

ad nostrum institutum aptitudinem in admittendis sequantur.

2 Postquam verò in Societatem admissi fuerint, curent Prouinciales, vt patronos non habeant, qui eos, licet ineptos, in Societate retineri curent: ac porro in dimissionis negotio Magistri Nouitiorum iudicium magni faciant: nec se in dimittendo difficiles exhibeant, cum id Nouitiorum Magister, causis adhibitis, proponet. Neque enim necesse est de cuiusque Nouitij dimissione inire consultationem; neque expectandæ sunt graues culpæ, ob quas Nouitius dimittatur.

In ineptis dimittendus.

3 Commendent etiam Prouinciales Nouitiorum Magistris, vt Exercitia spiritualia, iuxta eorum Regulas 23. 24. & 28. ab iis, qui Societatem ingrediuntur, fiant: & intelligant moderationem illam, quam Regula interdum concedit, non debere esse ordinariam, neque crebrò vsurpandam: sed si quando hoc experimentum ob iustas rationes distulerint, non diu differant, cum hæc Exercitia primum & præcipuum locum inter experimenta sibi vendicent. Reliqua verò experimenta, præsertim Doctrinæ Christianæ, hospitalium, & peregrinationis exactè fieri curent, vt in eorum Regulis præcipitur.

Quando Exercitia spiritualia facienda.

4 In admittendis verò temporalibus Coadiutoribus, circa eorum qualitates, & numerum, seruent diligenter Prouinciales, quæ præscri-

scri-

*Quales Co-
adiutores rē-
porales ad-
mittendi.*

scribuntur in Constitutionibus p. 1. c. 2. §. 2. & A. Animaduertant prætereà, magnam cautionem adhibendam esse in iis ad hunc gradum admittendis, qui aliquem in litteris progressum fecerint, vel qui milites fuerint, vel qui speciem nobilitatis, vel cōsanguineos nobiles habeant, vel dominis secularibus in delicatis ministeriis inseruiert. Prætereà non esse admit- tendo homines planè rudes, & disciplinæ incapaces; cùm ad ministeria Societatis melius obeunda, & ad res spirituales percipiendas, bonæ capacitatis eos esse oporteat; cuiusmodi esse solent qui legere & scribere norunt, vel artificio aliquod habent. Postquàm autem admissi fuerint, inculcent sæpius & diserte (quod & antea in eorum admissione factum supponitur) eorum vocationem esse, subleuare suis corporalibus laboribus eos, qui in vineâ Domini in aliis functionibus occupati laborant. Circa eos verò, præsertim dum in Nouitiatu sunt, diligens opera Magistri exercenda est, vt instituuntur in externâ & religiosâ politiâ, in modestiâ, & modo decenti agendi, præsertim cum externis, & similibus.

*Quando è
Nouitiam
vducendi.*

§ Vt scholasticus è Nouitiatu educendi non sunt, nisi biennium absoluerint; ita nullâ ratione Coadiutores temporales è Nouitiatu extrahendi sunt, nisi per annum integrum in eo fuerint, & benè satisfecerint. In Collegiis verò, donec biennium absoluerint, aliquem
quasi

quasi Magistrum in exercitationibus spiritua-
libus habeant; & cum ad vota simplicia sunt *Cum vota*
admirtendi, saltem per mensem ad Nouitia- *futura.*
tum reuocentur, si commodè fieri poterit, &
non obstat loci distantia: alioqui in eodem lo-
co ubi sunt, per idem tempus se colligant, &
ad vota præparent. Nullo autem modo per-
mittant Prouinciales, vt ante finitum bien-
nium in publicis Æditui, Ianitoris, & simili- *In publicis*
bus officiis, in quibus cum externis agitur, *officiis ne oc-*
cupentur.
exponantur.

6 Curent etiam, vt eorum bona, qui in So-
cietatem ingrediuntur, integra, vt ipsi attule- *Eorum bona*
runt, ad finem biennij seruentur, si seruari ta- *vsque ad fi-*
men possunt: ne illis diuenditis aut consum- *nem biennij*
ptis, eorum dimissio, si necessaria fuerit, diffi- *seruentur.*
cilior reddatur. Neque toto hoc tempore
quicquam exigatur in vsum Collegij vel Do-
mus Societatis ab eorum tutoribus aut paren-
tibus, quamdiu non sunt scholastici approbati;
vt cum maiori libertate in Domino possint iu-
uari, & corrigi, cum oportuerit.

7 Cum verò è Nouitiatu scholastici edu-
cuntur, vt ad studia mittantur, præmonendi *De quibus*
sunt à Nouitiarum Magistro, non mitti eos *monedi cum*
ad laxiorem vitam, sed vt per studia fiant a- *ad Collegia*
priora instrumenta ad Dei gloriam, & salutem *mittuntur.*
proximorum procurandam; ac pròinde ita
debere studiis inuigilare, vt spiritus minimè
refrigescat.

INSTRVCTIO VII.

Pro Scholasticis Societatis.

*Sollicita &
studiosa
Scholastico-
rum educa-
tio.*

IONA Scholasticorum Societatis educatio magni momenti semper visa est, cum ex iis postea tum professi, tum etiam operarii proficiantur. Designandi sunt igitur illis non solum ij Superiores, qui eos in via Domini, & religiosâ perfectione probè instruant; sed boni etiam Confessarii, & Præfetti rerum spiritualium, qui suo munere benè & exactè fungantur. Quin etiam eos Præceptores ut habeant curandum est, qui non solum doctrinæ studiis eos excolant; sed bono etiam exemplo ad virtutem incitent.

*Ne autem ex-
terni occupa-
rentur.*

2 Vigilent itaque Superiores, ne assuescant Scholastici nimis colloqui cum externis, aut amicis & cum illis familiaritates habere, apud eos prandere; litteras, vel munera dare & accipere, nisi necessitas, aut recta ratio aliud suadeat. Constat enim his omnibus & similibus spiritum in nostris graviter lædi, & religiosæ perfectionis feruorem intepescere.

*Patrociniis
ne foveantur.*

3 Multò minùs permittendum est, ut scholastici Patres antiquiores nimis familiares, ac veluti Patronos apud Superiores habeant: & seniores ipsi moneantur, ut ab huiusmodi patrocini-

traciniis, tam Scholasticorum, quàm aliorum è nostris quorumcumque sibi temperent, iuxta ea, quæ de vitandis huiusmodi intercessionibus præscripta sunt.

4 Proderit autem ad Scholasticorum spirituales profectum, veterè mortificationum consuetudinem tempore vacationum excitare, propositis in hunc finem in tabellâ mortificationum capitibus. *Mortificationum usus in vacationibus.* Quin etiam expedire omnino videtur, ut qui in spiritu nimis relaxati videntur, quò in eis spiritualis feruor exciteretur, ad has, & Exercitia etiam spiritualia, suauiter, omnino tamen inducantur. Imò verò *Quomodo tepidiores inuandi.* hi, quando opus esse iudicabitur, à studiis ad tempus, vel etiam simpliciter amouendi sunt, ut melius in spiritu proficiant, & in virtutibus solidentur.

5 Nec minus operæ ponendum est à Superioribus, ut Scholastici nostri eam indifferentiam assequantur, iuxta Regul. 31. Summarij, *Indifferentiam assuescere discant.* ut scilicet à Superioribus se regi sinant, nec sint solliciti, quid peractis studijs & tertio probationis anno, sint facturi: solet enim plerumque euenire, ut si aliter contingat, quàm animo conceperunt, non sine magnâ molestiâ, & spiritus lacturâ, perturbentur.

INSTRVCTIO VIII.

Pro Coadiutoribus temporalibus.

Ex deputatione, quæ de illis benè instituendis habita est in V. Congregatione Generali.

A.R.P.N. Claudio Aquauiuâ Præposito Generali iuxta eiusdem Cong. Decretum 98. recognita.

*Conseruandi,
& fomendi
in spiritu.*



*Frequenter Superiores,
& Præfati al-
locutio.*

I R C A spiritualem Coadiutorum temporalium profectum, non tantum in Nouitiatu, vt dictum est, vigilandum est à Superioribus; sed multò magis curandum est, vt postquàm è Nouitiatu educti fuerint, & vota post biennium emiserint; spiritum, quem probationis tempore acquisierant, diligenti curâ cōseruent. Quare non sinantur suo more aut arbitrio viuere, sed eos rerum spiritualium Præfecti, & ipsi etiam Superiores frequenter alloquantur, nouos præsertim, & qui infirmiores sunt, & hoc cum tempore recreationis aliquando, tum
verò

verò separatim, semel saltem in hebdomadâ, consolando eos & instituendo in iis quæ ad ipsorum statum pertinent; capita meditationis suggerendo, modum, ac fructum orationis exigendo, & tandem dirigendo, ubi opus fuerit.

2 Loco instructionis Doctrinæ Christianæ, quæ extra Nouitiatum ad Coadiutores haberi solet, si satis in eâ instructi existimentur, *De quibus singulis hebdomadis instruend.* instituatur, singulis hebdomadis spirituale colloquium, seu conferentiæ de rebus ad eorum exercitia & captum accommodatis. Quo tempore curandum erit, ut intelligant, quæ in seculo vilia aut etiam seruilia iudicantur, ea magni momenti, Deoque valdè cara esse in Religione, quandoquidem propter Diuinum eius amorem, & reuerentiam fiunt: nec solum mercedem illorum operum ipsos consequi, sed participes etiam esse ceterorum omnium bonorum operum, quæ Diuina bonitas per nostram Societatem operari dignatur; sicut etiam omnium Indulgentiarum, & spiritualium gratiarum, quas ceteri consequuntur. Plurimum autem conferet, id à Superiore ipso præstari, ad quem hæc cura maximè pertinet. Hoc enim officio sibi eos Superior deuinciet, dum se illos peculiari sollicitudine complecti & excolere ostendit; & ipsi vicissim aperte vident, se à Superioribus minimè negligi.

3 Quoniam multa possent euenire incommoda, si facilè Coadiutores soli permitteren-

*Quinam si-
ne socio in-
cedere pos-
sint.*

tur incedere; expedit omnino, ut quantum fieri poterit, semper comitari incedant. Si qui autem ob necessitates soli egredi permittuntur, ij maturi & graues sint, & tales à quibus nihil incommodi merito timeatur. Socij, autem Procuratorum, & Emptores, præterquam in iis quæ sunt officij eorum propria, soli non eant: feminas verò nulli soli adire permittantur. Si quando autem aliquid periculi timeretur, maturâ mutatione prouideatur.

*Quales ad
agros mis-
tendi, & soli
pernoctare
non permit-
tantur.*

4 Qui ad vineas, agrosque procurandos mittuntur, sint ex iis, qui magis in spiritu & religiosâ disciplinâ profecisse cognoscantur. Neque vnquam soli in eiusmodi locis morentur, aut certè pernoctent, & quàm minimùm fieri potest in illis permaneant. Quòd si diutius, aut longiùs eos abesse oporteat, mutantur nonnumquam, aut identidem ad Collegium reuertantur, ut in utroque homine reficiantur. Ea verò, quæ per externos in his locis curari possunt, ad ea nostri ne adhibeantur.

*Ne contem-
ptus habeantur.*

5 Ut quietè iuxta suam vocationem in Domo Dei laborent, seuerè caueant Superiores, ne in suis ministeriis à ceteris contemnantur: neque officia, quæ pro Dei amore exercent, illis à quopiam tamquam vilia & seruilia obiciantur. Præterea expedit, ut peritis in suâ cuique arte credatur, nec faciliè illis etiam studio mortificationis contradicatur. Et tandem ad eam etiam pacem & tranquillitatem conseruan-

*Peritis in
arte creden-
dum.*

• Seruandam plurimum faciet, si à Ministris ni-
miùm aliquando non vrgeantur.

*A Ministro
non supra
modum vr-
gendi.*

INSTRVCTIO IX.

De moderatione in dādīs litteris
ad Generalem adhibendâ.

*A. R. P. N. Claudio Aquauinâ Prapósito Ge-
nerali diuersis subinde temporibus, an-
no demum 1599. aucta copiosius, ad Pro-
uincias missa.*



I T s i magnâ afficior volupta-
te, si quàm sæpissimè meo-
rum Patrum, Fratrumque lit-
teras perlegam; estque per-
gratum omnes ad me, tam-
quàm ad Patrem, magnâ fiduciâ confugere;
tamen auctis longâ die negotijs, auctâque Dei
beneficiâ in dies latiùs Societate, longo
iam vsu intelligo, in dandis ad nos litteris,
iustam aliquam moderationem esse statuën-
dam. Quod ni fiat, in tantam multitudinem
litterarum, numerus excresecet; vt, cùm ad
omnia rescribendum fuerit, rebus maioribus,
& quæ ad Societatem spectant vniuersam,
in quibusque transigendis versari debet Præ-

*Causa hu-
iusmodi In-
structiones
scribenda.*

positi Generalis industria, necessarium tempus detrahetur; laborque eorum qui sunt à secretis, id quod ipsa docet experientia, ita augebitur, ut, quamuis aptâ descriptione operæ singulis distributæ sint, & iam pridem eorum actus sit numerus, breui tamen impares labori succumbant, necesse erit.

*Aliqua leges
prescriben-
da.*

2. Quare, re prius benè perpensâ, sæpiusque cum PP. Assistentibus communicatâ, nullisque precibus Deo commendata, visum est nonnulla, ad hanc rê valdè conducentia, omnibus commendare; regulasque aliquas, & Superiorum temporum ordinationes in memoriam redigere, quæ si seruentur, sperandum est, commodius Prouinciarum negotiis cōsultum iri. Nam supernacuis & inutilibus reiectis, quæ sæpè vtilibus & necessariis officiant, plus operæ ac tēporis maioribus & vniuersalioribus Societatis rebus insumetur. Ita & labor eorum, qui in hoc munere versantur, alleuabitur, ut pares esse possint operi; & nihil de eo fructus detrahetur, quem Patres, Fratresque è litterarum communicatione percipiunt, & optamus omnes.

3. Sed antequàm ad rem ipsam veniamus, Reuerentiæ Vestram admonemus, nostræ voluntatis esse, ut quo tempore nostram hanc sanctionem ac moderationem in dandis ad nos litteris Prouinciæ suæ indixerit, simul etiam edicat, nullo modo eam ad id genus litterarum per-

pertinere, quibus priuatim suis quisque de rebus subditi nos certiores facere voluerint; integrum esse cuique, quæ ad animi sui fructum, *Non extenditur ad priuatæ litteras.* spiritualeque auxiliû, in Domino expedire iudicauerit, ad nos perscribere: me enim magnâ cum animi mei voluptate cuncta perlecturum.

4 His positis, Reuerentiam Vestram scire oportet, meos prædecessores varias ordina- *Varia ordinationes hac de re data seruanda.* tiones præscripsisse de modo, tempore, rebus, de quibus ad Præpositum Generalem litteras dare opus sit. Quæ omnes postmodum in Formulam scribendi sunt, relatæ. Ex quibus seruandis maximam partem pendet ea, quæ in hoc genere moderatio est adhibenda, & quam in primis teneri peroptamus.

5 Quare erit operæ pretium Superiores omnes & Consultores ipsam Formulam attentè perlegere; eorumque vnumquëque ea considerare, quæ ad se pertineant. Ita fiet, vt multis litteris minùs necessariis supersedeatur. Nâ si Superiores locorum de suis rebus, cum suis primùm agent Consultoribus, deinde cum Præpositis Prouincialibus, qui ex ipsorum regulis, & formâ iis præscriptâ de rebus ordinariis suæ quisque Prouinciæ statuere poterunt, non magnum erit negotium septimum Formulæ paragraphum seruare.

6 Ac si operam dabunt, vt eiusdem Formulæ paragraphum decimum obseruêt, haud dubiè magnus litterarum minùs necessariarum *Præsertim paragraphus decimus*

*Quid in ur-
gensibus.*

*Subordina-
tio commen-
datur.*

numerus tolletur: cum ibi præscribatur, in re-
bus non urgentibus ordinarium tempus esse
expectandum. Nam in urgentibus & grauib;
omni tempore scribendi paragrahus nonus
potestatem facit. Hinc illa etiam vtilitas profi-
ciscetur: nam si Superiores locorum de nego-
tiis rite & subordinatione seruata, cum suis
agent Prouincialibus; rerum administratio
melior erit & facilior, & cum omnium gratâ
voluptate etiam cõiunctior. Nam illa scriben-
di ratio directò & statim ad nos, inconsulto
Prouinciali, cõtra quàm præcipit paragrahus
decimus, nihil aliud efficit, nisi vt multiplicen-
tur litteræ, & constitutio de rebus longiùs tra-
hatur; cum ad bonam rerum administratio-
nem oporteat nos, antequàm de re quapiam
constituamus, Prouincialium de vnaquaque re
sententiam exquirere: & singularum rerum
statum naturamque cognoscere illorum testi-
monio qui totas Prouincias administrant, &
præsentes ipsi totam rem inspiciunt, & quo-
dammodò manibus pertractant.

*Ne de re ea-
dem bu scri-
bant, respon-
so non expe-
dato.*

7 Est & illud prætereà notatum; de eadem
re scribi sæpius ad nos: quæ res frustrâ nume-
rum auget litterarum. Quarè monendi sunt
omnes Superiores, tum Consultores, ne cum
de re aliquâ semel scripserint, de re eadem scri-
bant iterum, nisi transacto ad rescribendum
tempore, & perferendas ad eos litteras consti-
tuto. Quâ in re illud animaduertant oportet,
non

non semper statim atque ad nos litteræ perlatæ sunt, facultatem esse ad illas rescribendi. Nam, cum sua cuique Assistenti stata tempora descripta sint ad agendum; ac sæpenuerò diuersarum Prouinciarum, atque adeò Assistentiarum in idem tempus litteræ concurrant, nisi statutus ordo teneatur, magna sequatur confusio, necesse est: vt mirum interdum non sit, si quando seriùs aliquantò, quàm vellent aliqui, ad eorum litteras rescribatur. Atque ob hanc causam, vt occupationibus consulatur Præpositi Generalis, in Formulâ præscribitur, vt cum ad ipsum Prouinciales singulis mensibus, Præpositi locales ternis scribere debeant, Præpositus ipse Generalis ad Prouinciales alternis, ad locales senis mensibus rescribat. Quin etiam experimento ij. scire possunt, crebriùs etiam, quàm Formula præscribit, eorum litteris responderi.

8 In litteris porrò, quæ *Soli* inscribuntur nonnulla peccantur: atque id eò fit, quòd non omnes sciunt, quæ ratio in iis litteris seruetur. *Quæ in litteris soli scribendis seruanda sunt.* Persæpè enim quæ iis litteris continentur, non eius generis sunt, quæ secretò opus habeant, ita vt non possint cum iis, quibus opus est, cōmunicari. Imò verò non rarò eiusmodi sunt, vt, nisi cum aliis communicentur, transigi nullo modo possint: ac nullâ aliâ de causâ *soli* inscribi videantur, nisi tantùm vt à nobis legantur. Hi si scirent, nos eas quoque litteras legere sole-

solere, cùm præsertim res postulat, quæ illâ carent inscriptione, non dubito, quin illâ supersederent. Quare opus esset hos huiusmodi incommodi admonere.

*Ne in litteris
negotiorum
secreta ad-
miscoant.*

9. Est & alterum in eodem genere incommodum, quod multi cùm de rebus variis ad nos scripserunt, ad eandem epistolam vnum aliquod caput attexunt, quod secretum postulat; & ob hoc vnum caput totam epistolam *soli* inscribunt. Quo fit, vt, cùm ipsa epistola, ob secretum non possit nisi cum P. Secretario communicari (cùm quo de more epistolæ, quæ *soli* inscribuntur, communicandæ sunt) ob illius occupationes negotia reliqua, quæ cum Assistentibus sunt communicanda, transigi maturo tempore non possint. Quare moneantur, vt cùm de rebus scribunt, quæ inscriptionem *soli* postulant, si de rebus aliis iis scribendum sit, id seorsim faciant aliâ epistolâ, ab eâ seiunctâ, quæ *soli* inscribenda est. In eâ verò, quæ *soli* inscribitur, non nisi de rebus illis agant, quæ secretum postulant, nec sunt cum aliis communicanda.

*Ratio con-
tractus & in-
strumenti Ro-
mam mit-
tenda.*

10. Ad hæc, quod ad contractus attinet, contractuumque instrumenta, cùm Romam mittuntur, à tergo membranæ vel chartæ adscribatur index & summa eorum quæ continentur. Idque eò magis quod multa tam fœdis characteribus descripta mittuntur, vt non nisi magno labore, magnâ temporis iacturâ, & ægrè intel-
ligan-

ligantur; ab hominibus præsertim qui quibus de rebus in illis agatur, ignorant.

11 Litteræ, de negotiis præsertim, quæ ad nos scribuntur, detur opera ut bonis & perspicuis characteribus sint; omissis litterarum compendiis abbreviationibusque parum notis. Iustus etiam ad oram exteriorē margo relinquatur, ut indices eorum, quæ intus continentur, foras euocari possint. Et cum varia capita de rebus variis continent, præsertim si vel Superiores, vel Consultores ipsi litteras dant, singula quæque capita per paragraphos scribantur, ad initium semper caput reuocando. Id enim & ad legendi, & intelligendi usum facilitatemve apprimè conducit, non modò in præsens, quâdiu de rebus iis est agendum; sed in posterum etiam tempus, cum ex Archiuo, quod sæpè vsu venit, eiusmodi litteræ ad eadē vel alia similia negotia, post aliquot menses aut annos sunt proferendæ. Quæ res in tanto scriptorū numero, optimo licet ordine disposita seruentur omnia, nisi his adiumentis alleuetur, laboriosa admodum fit & impedita.

12 Et tum in his tum in aliis etiam litteris duo illa seruētur, ut & in fine epistolæ cuiusque nomen adscribat & cognomen eius qui litteras dat (sunt enim, qui pro suâ modestiâ alterutrum omittunt, altero tantum cōtenti) & cum dies, quâ dantur litteræ adscribitur, non à festo tempore illius diei, sed à numero dierum mens-

Quæ in scriptione litterarum animaduertenda visa sunt.

Nomen, & cognomen in calce adscribant die non prætermisso.

*Ne eodem fo-
lio, quo scri-
bunt, epistolae
obvolvunt.*

sis cuiuslibet notetur; vt facilius datarum litte-
rarum ratio iniri possit. Denique caueant, ne
eodem folio, quo ad nos scribunt, ad obvol-
uendas epistolas alias vtantur: fit enim plerum-
que, vt in resignandis fasciculis, pars aliqua
litterarum vnà cum sigillo reuellatur: quæ de-
inde nullo modo legi possunt.

*De Collegij
& Prouinciæ
notâ in litte-
ris & fasci-
culis facien-
dâ.*

13 Illud postremò hoc loco addere perne-
cesse fuit, quod abhinc annos quindecim non-
nullis Prouinciis præscripsimus, ad expensas
non exiguas vitandas, quibus vnâ pro multis
æquo plus grauari interdum contingebat, ex
Collegij aut Prouinciæ, ex quâ litteræ mittun-
tur, ignoratione; vt curent Superiores omnes
singulis litteris & fasciculis sui Collegij ac Pro-
uinciæ nomen exterius in fronte imponi. Sic
enim antequàm vel fasciculi dissoluantur, vel
aperiantur litteræ, vecturæ ratio facile constab-
bit ei, qui exigendi curam gerit, vt suum cuique
Prouinciæ vecturæ datum referre possit. Quòd
si contingat diuersarum Prouinciarum vel lit-
teras, vel fasciculos in vnũ colligari, necesse erit
similiter in externâ facie sub illius inscriptione
Prouinciæ, in quâ colligantur, nomen notari:
detracto enim superioris fasciculi tegumento,
singularũ litterarũ, vel fasciculorũ vecturæ ra-
tio distincta cõstabit ex illarũ inscriptionibus:
vel certè (quod magis probaremus) in magno
fasciculo nomina earum omniũ Prouinciarũ,
quarũ fasciculi includuntur, exterius adscribi.

INSTRVCTIO X.

De Præfectis spiritualibus, constituendis formandisque.

A. R. P. N. Claudio Aquavivâ Præposito Generali ad Prouincias missa anno 1599.



QUANTA in rei spiritualis Præfecturâ insit utilitas, quamque sit munus illud necessarium, non nostræ tantum regulæ, Constitutionesque docent, sed ipsa etiam ratio

Huius Ordinationis utilitas.

persuadet & euincit. Nam cum ad perfectionem nostræ Societatis viros effingere, formareque debeamus; consequens est, ut ij quoque quidquid agunt spirituali ratione, atque in Deum caritate illud agant. Hæc nempe vna cura illos ad studium virtutum omnium, ad plenam absolutamque sanctitatem assiduus debet stimulis excitare: ut ipsi & in se & in aliis quam maximum lumen, quam maximum communis Domini amorem prouocent in dies. Præterea cum in perpetuo ipsi obediæ vsu, ac religiosæ disciplinæ, spiritualibusque ad proximos ministeriis versari debeant,

Qualis Institutum nostri ratio requirit.

*Inopiam ex-
cusant.*

beant, nisi normæ diuini Spiritus se conforment, soluti, indociles, difficiles, intractabiles, & segnes ad laborem sint necesse est: non secus atque currum aliquem videmus amotis rotis trahi non posse; ad motis verò, apteque collocatis, facile ad quemcumque vsum accommodari. Et quamquam multis iam annis in eam curam incumbimus, Prouincialesque Præpositos virgemus, vt rei spiritualis constituât Præfectos ac Magistros; ipsique qui rei magnitudinem intelligunt, maximo opere rem perficere conantur; excusant tamen idoneorum hominum, qui totam rem sustineant, inopiam.

*Experientia
defectus com-
probat.*

2 Nos quoque persæpè multas in eo genere querelas audiuius: idque multò etiam magis perspeximus, cum non ita multò pridem, qui spiritualium rerum statum inspicerent, inspectores per Prouincias dimisissimus. Ex quo apparet, multa & magni momenti in hac ratione desiderari.

*Quales sint
Præfecti spi-
rituales.*

3 Re igitur Domino precibus commendatâ, post multum de eâ cum Patribus Assistentibus sermonem habitum, sentimus necesse esse peculiarem aliquam curam suscipere, vt magisteria totius huius rationis instituantur. Ingens enim sit error, quemlibet mediocri probitate, mediocri prudentiâ, rectò tantùm studio instructum, propensâque ad virtutem voluntate, ad tantum munus idoneum iudicari. Quòd si ad viam spiritualem ineun-

dam,

dam, homines aliorum consilio indigent ac regimine; cum ingens sit eorum periculum, qui perito in eo itinere duce carent; satis constat, eos qui huic muneri deliguntur, magno ad hanc artem studio, magno lumine, magno rerum usu, magnâ prætereâ lenitate, ac dexteritate, & ad agendû cum aliis comitate, & gratiâ esse oportere. Ad hæc magna propensio, applicatioque animi, dotesque aliæ insignes accedant, necesse est. Et cum hæc maximè optemus non tamen ea remedia videmus adhiberi, quæ ad huiusmodi magistrorum copiam parandam, opus sunt.

4 Prætereâ cum ad scholas instruendas non maiorum studiorum modò, sed minorû etiam *Vt in litteris .*
 humanitatis, & grammaticæ, varias artes ex- *sic & in spi-*
 citationesque inuenerimus, ut idonea suppetat *ritu perficiendo elab-*
 copia magistrorum; prudentissimus quisque *orandum.*
 optimè intelligit, quantò id magisteriû maius sit ac magis necessarium, cum in eo multò minùs, quàm in altero liceat esse conuiuentes, non modò quia nobilius, maiorisque momenti est; sed etiam quia basis & fundamentum est altèrius. Siquidem doctrina à spiritu seiuncta, & Societati proximisq; magis obesse, quàm prodesse; & Ecclesiæ sanctæ nulli aut perexiguo adiumento esse potest.

5 Quare omnium primùm Prouincialis cum suis Consultoribus, aliisque Patribus rerû per- *Quinam ad*
 tiâ spirituque præditis, re communicatâ, dele- *id munus ob-*
 ctum habeat eorum, qui præter ceteros idonei *gendi.*

iudicabuntur, qui ad id munus destinantur. Atque ad id, tamquàm à remotiore quodam principio, è iuuenum numero eos designet, qui maiorem ad hoc munus indolem præferre videbuntur; silentij, & secessus amatores, orationis & Diuinæ contemplationis studiosos: eosque magistris Nouitiorum socios adiunget, exercebitque interim in aliis ad spiritualia exercitia erudiendis. Deinde ad rem ipsam propiùs accedès, eos in præsens huic muneri præficiet, qui statim manus operi possint ad mouere, maturos senes, quos vel longo gubernandi vsu, vel conciones habendi, aut è cathedrâ Theologiam præsertim explicandi labore fessos, tamquàm ex alto in portum, intermissis exercitationibus, in hoc tranquillum fœnetutis orium confugere vtile erit.

Quinā huic muneri præficiendi.
 6 Neque cuiquam otiosa res videri debet, aut infrugifera, vel si cum aliquo aliorum consiliorum incommodo id fiat, nauum aliquem hominem à ministeriis aliis clarioribus cessare, dum aliis instituendis iuuandisque occupatur: imò verò plusquàm ceteros efficere certum est. Siquidem illorum omnium manibus, qui ab ipso promoti dignos se præbent Societatis administratos, operatur.

Quibus vacent Præfati.
 7 His porro concedendum est, vt sanctæ orationi, sanctorum Patrum, piorumque librorum lectioni operæ plus solito impendant. Constitutiones, exercitia B. P. N. eorumque
 Dire-

Directorium habeant sibi familiaria : ad hæc Instructiones, Industrias, aliaque monita Præpositorum Generalium optimè teneant. Ut cum in sermone, tum in vsu tradendo virtutum, illa in promptu habeant, quæ cum gratiâ nostræ vocationis sunt coniuncta.

8. E sanctis Patribus habeant præ manibus S. Basilij scripta omnia, S. Gregorij moralia, *Quinam libri legendi.* S. Bonauenturæ opuscula; alios præterea Doctores, Guilielmum Parisiensem, eiusque præcipuè tractatus de tentationibus, & resistentiis; de virtutibus, de vitiis & peccatis, de rhetoricâ diuinâ, & similia; Gersonem. eiusque præcipuè tractatus. Et è nostris Platum de bono status religiosi, Rosignolium de disciplinâ Christianâ; tum lib. ros de imitatione Christi; Sanctorum vitas, è quibus grauissima eliciuntur documenta; opera denique Ludouici Blossij magno esse poterunt adiuumento, ad varias variorum curandas affectiones. Itaque errorem ponant Superiores, si qui aliter existimant; sibi que persuasum habeant, tum ad idoneam eius doctrinæ cognitionem, quam in huius artis magistro inesse oportet, tum ad auctoritatem nomenque viri verè spiritualis obtinendum, maximi esse momenti hoc studium: nec satis esse communem cursum, aut commune hominis cuiusque studium, aut quantulamcumque huius doctrinæ cognitionem, quâ tinctos esse contingat eos, qui hæc aliquando cursim, & quasi aliud

*Necessarium
hoc studium.*

agentes lætitarunt, aut etiam subinde meditando volutarunt animo.

Non ad æternos effundendi. 9 Atque ob hanc causam non debent hi circa externos tamquàm ordinariæ operæ occupari: tum quòd illa persæpè occupatio ab operâ suis præstandâ illos auertit; tum etiam quòd rêverà mens in duas diuersas curas cum aliquo dispendio distrahitur.

Exemplares sint. 10 Et quoniam hi rei spiritualis magistri non doctrinâ solùm & monitis, sed exemplo etiam & operâ eam viam debent spiritualem commonstrare; neque illos decet spiritu esse eremitico, totosque vni contemplationi deditos; videndum est, ne ita sint sanctæ quietis ac secessus amatores, vt proximorum consuetudine prorsus abstineant: sed aliquas exercitationes, ministeriaque laboris quidem, humiliationis, vtilitatisque maioris, occupationistamen & illecebræ minoris assumant; cuiusmodi sunt carcere detentos, hospitalia, ægrotos inuisere, aut breues aliquas subinde obire missiones: sed certis, quibuscum vsum habeant, nullis addicantur pœnitentibus: feminis verò, cum quibus nimium plerumque est negotij, multò minùs.

In Seminariis quales præsiciendi. 11 In magnis porrò Seminariis, in quibus ad studia aluntur multi, satis constat huiusmodi magistris tantum operæ suppetere, vt aliæ occupationes omnes excludantur: ita vt ne ipsis quidem regendis discipulorum Congregatio-

gationibus, aut scholarum confessionibus audiendis locus relinquitur. Eritque id Prouinciali summæ curæ, vt in eiusmodi frequentibus Collegiis homines hac doctrinâ & feruore pietatis insignes huic muneri præficientur: ac si fieri potest, ex iis, qui aliquando Magistri fuerint Nouitiorum, vel in gubernando magni exempli, & spectatæ pietatis fuerint; vel certè in aliis Collegiis id munus cum aliorum probatione sustinuerint. Denique, vt dictum est, præstantissimi cuiusque, & maximis dotibus instructi præclarè stare operam censendum est, vno in hoc munere occupati.

12 Præfectis ita constitutis, Prouincialis erit cura, inuigilare, eos instruere, rationem ab iis, inter visitandam Prouinciam, repositum; ex aliisque quemadmodum se gerant, cognoscere. Multum illis tribuat, multamque iis reuerentiam conciliet: mandetque Consultoribus Collegiorum, vt ad se, quemadmodum in hoc genere procedatur, accuratè perscribant.

*Prouincialis
munus.*

13 Omnino duo in hoc genere scopuli vitandi sunt, qui magnæ nonnumquam offensionis esse possunt, quò minùstantæ rei magisterium eum quem volumus, quemque res exigit, felicem cursum sortiatur. Alter est temeraria quædâ & inanis Superiorum suspicio, ac propè zelotypia, quasi rei spiritualis Præfectus subditorum animos ad se alliciens, deriuat in se Superioris auctoritatem, cæque re necessaria membrorum

*Quinam scopuli vitandi
Superioribus, & Præfectu.*

cum suo capite coniunctio sensim solvatur. Alter contrà, ne quando Præfectus, per causam consolandi subditos, ad illa se porrigat quæ sunt regiminis, aut impediat eleuétve Superioris auctoritatem, id quamuis, ipso inscio, aliâ ex causâ contingat. Quare magnoperè opus est incommoda hæc anteuertere initio; magnâque vigilantia cauere, ne quid eiusmodi subrepat, fines vtrisque constituendo. Siquidem Reçtori expedit Præfectum amari & in honore haberi: sicut enim adiumento & leuamento multis in rebus ipsi erit. Præfecto vicissim proposita in primis esse debet obedientia, & erga Superiorem amor subditorum. Ac si quando hæc aut minui senserit aut intepescere, sese Angelum pacis interponat: hinc deiectos subditorum animos ad perfectionis mortificationisq; studium erigendo, & auctoritatem, bonamque de Superiore opinionem pro viribus tuendo; hinc Superiorem priuatim de rebus illis admonendo, quæ vel expedire, vel impedire iudicauerit.

14 Optamus prætereà à Prouincialibus certiores fieri quotannis, quosnam ei muneri in maioribus præsertim Seminariis, quibûsve institutionibus præfecerint; & quemadmodum tota res vsu tractetur, & quo fructu, & quod quique ad eam rem talentum præferat.

15 Et quoniam res est magni momenti, eâque maximoperè indigemus, omni quo possum

sum animi affectu Reuerentiæ Vestræ quàm accuratissimè commendo, vt id totum ita suscipiat, vt existimet ad maximam sui regiminis partem pertinere. Ita, diuinâ fauente bonitate, spes est, multa nobis fore proniora; eolque nos è nostris laboribus fructus, quos ad Diuinæ Maiestatis gloriâ optamus, percepturos; à quâ copiosam precamur in omnes benedictionem.

*Seriò Pro-
uinciali cõ-
mendatur.*

INSTRVCTIO, XI.

De paternè exigendâ ratione con-
scientiæ à subditis, & secreti
fide seruandâ.

*A. R. P. N. Claudio Aquaniuâ Preposito Ge-
nerali anno 1606. ad Prouincias missa.*



VM reddere conscientiæ suæ rationem res sit ap-
primè necessaria, & ac-
curatissimè nobis à B. P.
N. commendata, ne quâ
inscitiâ subditorum, aut
minùs clarâ eius rei co-
gnitione in nostrâ Societate aliquando inte-
pescat (ex quo incommoda non modica, cum
magno rei spiritualis damno, & decremento
auxiliorum, quæ ipsis subditis adhibenda sunt,

*Incommodis
occurrendû.*

& magno etiam communis boni, Diuiniq̃ue obsequij detrimento oriretur) idcirco, quemadmodum omni diligentia nostrum est subditos ipsos ad suum officium in hoc genere præstandum adhortari, ob ingentes quæ ex eâ re benè transactâ percipiuntur vtilitates; ita summè necessarium est (quemadmodum à nobis aliàs significatum ac præscriptum est) vt Superiores pro se quisque rem promoueant; tum eam præferendo comitatem, paternamq̃ue beneuolentiam, quæ subditos ad se totos magnâ fiduciâ aperiendos alliciat; tum eam adhibendo prudentiam, secreti fidem ac cautelam, & ad eum vnum finem cōsequendum, cuius causâ à beato Fundatore nostro totam hanc rem institutam esse scimus, quod est spirituale auxilium, & idonea subditi cuiusque perscrutatio.

*Quæ Superi-
oribus præ-
standa.*

Quapropter animaduertant Superiores (id quod his litteris maximoperè iis iniungimus, grauissimeq̃ue præscribimus) ne hac notitiâ ita vtantur, vt subditorum animi offendantur, suspicenturq̃ue se ob eam rem aut notam aliquam aut periculum adituros, ne minùs commodè à Superioribus tractentur.

*Quam cō-
suetudinem
adhiben-
da.*

2 Quare, Superiores, quamuis secretum naturali iure tantum teneatur (nam de sigillo confessionis nihil est quod agamus) videant tamen summâ curâ, vt secreti fides integrâ sit, nihil omnino cuiquam innuendo; multò etiam minùs ad consiliû referendo cōsultandi causâ, quid

*Secretum
seruetur.*

quid factum opus sit: nam ex eo subditi à suâ aperiendâ conscientia deterrentur vehementer. Licet enim tanti ponderis ea regula præceptumque sit, sexcentas tamen Theologicas *Damna quæ ex hoc defe- Auoritan- tur.* ratiocinationes, & periculorum species excogitarent, quare ad se tanto cum damno detegendos nullâ lege tenerentur. Quâ opinione atque auocatione animorum nescio an perniciosius quidquam ad bonam administrationem Societatis esse possit: quæ intimâ animi culturâ, spiritualiq; institutione magis, quàm legibus ullis, pœnâve externis irrogâdis suos optat alumnos ad perfectionem virtutis edocere.

3 Quare Reuerentiæ Vestræ rem totam quàm accuratissimè commendamus, ut inter *In visitatione quid Provinciali præstandum.* visitandam Prouinciam, diligenter cognoscat quâ fide Superiores in hoc genere se gerant: ac si quis in eo fuerit solutior, aut minùs quàm debet accuratus; det operam, ut pro culpæ grauitate, in eum animaduertatur: ac si opus fuerit, de tali Superiore amouendo ab officio nos certiores faciat. Idque ita curetur, non modò ut subditi nos ita præcepisse, *Communicanda subditis hæc ordinatio.* sed ita etiam exequi mandasse sciant: ut intelligant omnes etiam Superiores, si quid aliquando deliquerint, pœnæ obnoxios futuros. Contraque ipsi suspicionum umbras, quæ subinde oriuntur, exuant penitus ex animo; in idque magnâ caritate Superiores incumbant, ut subditi ex eorum paternâ caritate recreen-

*De quibus
Generalis
monendus.*

tur, benigneque se ab iis tractari latentur: vicissimque ipsi eâ, quâ filios decet, reuerentiâ fiduciâque ad Superiores suos, tamquàm ad beneuolos parentes, in omni re confugiant. Vestra Reuerentia quid egerit in hac causâ, quemadmodùm per se ac per Confessarios, ut ab errore subditi auocentur contenderit; si quid peccatum fuerit, quæ remedia adhibuerit: & quid in eo genere Superiores profecerint, ad nos perscribat. Redeo ad illud idem, moneoque etiam, rem esse maximi momenti, proindeque non mediocrem diligentiam desiderare.

INSTRVCTIO XII.

Pro iis qui ad Missiones, fructificandi causâ, proficiscuntur.

A. R. P. N. Claudio Aquauinâ confecta.

*Cui scripta
hæc instru-
ctio.*



In directionē proximę Regularum eorum, qui ad Missiones proficiscuntur, necessarium duximus hanc Instructionē perscribere, ad quam possint deinde Prouinciales, quæ pro locorum ac Missionum varietate opportuna videbuntur, adijcere.

2 Finis harum Missionum est auxilium tot animarum, quæ ex ignorantia rerum ad salutem suam necessariarum, in statu peccati, cum æternæ damnationis periculo versantur. Proinde omni studio enitantur, ut cōtinuam veramque inter se vnionem habeant, cum patiendi desiderio; quandoquidem hæc necessaria sunt fundamenta ad finem propositum consequendum, & ad bonam ædificationem apud omnes conciliandam: meminerintque hanc esse vocationem nostram, in quâ primi Patres nostri sese exercuerunt. Ob eandem causam orationem matutinam, & examen vespertinū, quoad eius fieri poterit, numquam prætermittant: & procurent tum in hac, tum in ceteris rebus intimā vnionem cum Deo, à quo pendet omnis actionum nostrarum recta institutio & efficacia.

Scopus Missionum.

Vnio inter se, & cum Deo cōtinua.

3 Perlustrabunt loca, quæ in catalogo suo descripta habebunt; tamdiu in singulis consistentes, quamdiu pro numero, & dispositione personarum expedire videbitur. Cū primū ad oppidū, seu vicum, peruenerint, ante omnia primariam Ecclesiam adeant; & post breuem orationem, prout temporis ratio, & ipsorum cōmoditas feret, agant cum Parocho, vel alio Cleri Præposito; omnemque illi beneuolentiæ significationem exhibendo, caueant ne vel minimo indicio dent suspensionem, quasi ad eum visitandum veniant: sed ostensis Patentibus, &c. declarent sibi hoc vnum esse propositū, ut

Quæ loca perlustrabūt.

Ecclesiā primam adeant, tum Parochum.

Finem missionis declarant.

Doctri-

*Nemini se
oneri futu-
ro.*

Vbi habitent.

Doctrinam Christianam tradant, cōfessiones audiant, pacificationes procurent, &c. ac nominatum vt Clero in omnibus probari & satisfacere studeant. Doceant præterea sibi præscriptum esse à Superioribus suis, ne cui victus causâ sint oneri: idque adeò se curaturos, cum habeant vnde vitam sustentent: cubiculum tantummodò desiderari, à seminarum commercio liberum, & in quo lectuli sint ad quiescendum. Quòd si mundum aliquod in xenodochio cubiculum erit, alibi non quærat. Ab eodem Parocho, si cōsenferit, designabuntur, qui res ad victum necessarias pro ipsis comparent: quas quidem ad sustentationem sufficientes esse oportebit, sic tamen, vt ædificationi semper consulatur.

*Edocendi de
peccatu po-
puli.*

*Alicuius bo-
ni viri operâ
utendum.*

*Scholastici
inuandis, &
quemodò.*

4 Interrogent eundem Presbyterum de peccatis populi magis vsitatis, de vsuris, concubinato, inimicitiis, abusibus, superstitionibus, &c. vt maiori cum luce, & vtilitate animarum sermones suos, laboresque dirigant. Conferet plurimum, si quam boni nominis secularem personam sibi concilient, cuius operâ apud alios vtantur; procurâdo vt diuina Sacramenta frequenter obeant; & probo pariter alicui Sacerdoti eos insinuando. Iuuabit etiam scholas visere, si sine offensione fiat; magistrorumque gratiam ineundo, pium aliquod deuotionis exercitium inter scholasticos introducere. Et cum tempus vacuum erit, in priuatis cum
hoc

hoc vel illo sermonibus fructuosè collocare.

5 Quodie ad locum peruenerint, in quo *Quoties po-*
 subsistere debent, procuretur quamprimùm *pulus conue-*
 commoditas populi conuocandi. Conuocetur *candus.*
 autem manè ac vesperi: fiatque exhortatio vna,
 in quâ primùm differatur de necessitate Do-
 ctrinæ Christianæ; & de malis, quæ peccato *Materia cō-*
 mortali adiuncta sunt, vt ex eo intelligatur ne- *cessionum.*
 cessitas confessionis. Deinde exponatur causa
 & finis aduentus ipsorum, bonâ cum veniâ &
 facultate Ordinarij: promulgeturque Iubileũ
 à Sua Sanctitate concessum, potestas absol- *Populus de*
 uendi, &c. atque hæc omnia Societatem no- *quibus de-*
 stram ex Instituto suo facere; cui conuenit hoc *cendus.*
 munus Doctrinæ Christianæ, confessionum,
 &c. significetur etiam nullum hîc lucrum quæ-
 ri, nec pecunias: imò ferri ad ipsos munuscula
 quædam rerum piarum. Nulli proinde se gra-
 ues futuros, cum à Superioribus suppeditata
 eis sint necessaria. Significent præterea horis
 matutinis audituros se confessiones eorum,
 qui conscientias suas subleuare desiderant. A
 prandio Doctrinam Christianam tradituros
 feminis, & pueris, ac puellis: vesperi autem
 eandem viris post salutationem Angelicam
 explicaturos. Hortentur itaque, vt veniant,
 & domesticos ac familiares mittant.

6 Si oppidum est alicuius momenti, &
 alius concionator non sit, Quadragesimæ præ- *An conce-*
 sertim tempore, poterit singulis diebus summo *nandum, &*
 manè *quando.*

manè brevis cōcio fieri per semihoræ spatium, de Euangelio quidem ; sed ita vt ad rerum necessariarum doctrinam traducatur pro captu auditorum. Exemplis autem crebrò vtantur, & pro re natâ populum impensè hortentur ad diuini cultus obseruationem, & ad Ecclesiasticos honore ac reuerentiâ prosequendos.

De quibus Clerus instruendus, & quo tempore.
 7 Cleri institutio completi debet breuem notitiam mysterij Sanctissimæ Trinitatis, & Incarnationis D.N. quænam sit materia & forma Sacramentorum, de eorum vsu & exercitio, ac præcipuè de ratione confessionum audiendarum, & populi instruendi ; commendando eis diligentiam & mundiciem circa cultum diuinum. His porrò qui è Clero sunt, dandus est Catechismus, si non habent; Directoriū P. Polanci, aut F. Medinæ. Fient hæc manè, quando ab audiendis confessionibus otium erit. Quòd si tunc non licebit, detur opera, vt serò sub noctem perficiatur.

De feminarum & puerorum confessionibus audiendis.
 8 Feminarum confessiones in templo semper audiantur loco non obscuro ; eodemque modo iuuenum : studeantque ab eis personis quamprimùm expediri, quæ mouere possunt suspicionem.

Quando femina, & pueri Doctrinâ Christianam docendi.
 9 Pomeridianæ horæ ponentur in tradendâ feminis puerisque Doctrinâ Christianâ ; allicienturque processionibus publicis, festis præsertim diebus, in quibus pueri ac puellæ vario cum ornatu appareant, & præmiis

miis imaginum; diligentem operam adhibendo, vt doctrinam accuratè perdiscant; & hortando, vt eam aliarum inanum cantionum loco decantent inter laborandum, & in agris ipsis.

10 Vesperis post salutationem Angelicam circa mediam horam noctis, Parocho & aliis Clericis adnitentibus, conuocetur ad ecclesiam quàm maximus poterit numerus, inuitando Gubernatorem, aliosque viros primarios, vt ceteros alliciant, prohibendo ne femina vlla admittatur: ibique explicetur Doctrina Christiana, declarando mysterium Sanctissimæ Trinitatis, Symbolum Apostolorum, &c. omnem sermonem concludendo malorum, quæ peccato mortali insunt, declaratione: horæque circiter spatium hac in re collocetur. Quod si ad eam vnicus sufficiat; alter interim in priuati cuiuspiam auxilium incumbat, vel eius confessionem audiendo, vel pacem inter discordes componendo.

*Quando viri
Doctrinam
docendi.*

11 Si quando incidat, vt aliquid eleemosynæ pecuniariæ largiendum sit personæ alicui ad grauem necessitatem redactæ, cautè fiat & secretò, ne si patefiat, concursus fiat pauperum; quibus si eleemosyna denegetur, obtrectandi occasio præbebitur.

Cautè eleemosyna elargienda.

12 Vbi Religiosos cuiuslibet ordinis nanciscuntur, omnem in illos beneuolentiæ significationem declarare studeant; eosque in Domino,

*Quomodo
cū religiosis
se gerant.*

mino,

mino, quoad fieri potest, lucrificare. Quòd si res ferat, inuabit Exercitia spiritualia cuiuspiam illorum, atque etiam Clericorum, tradere.

*Quæ ab ipsis
annotanda* 13 Obseruabunt subinde & annotabunt, quæ digna videbuntur, de quibus Prælatum admoneant, ut ea coràm postea post reditum in urbem illi exponant. Itemque præcipua quæque notatu digna pro Annalibus.

*Confraterni-
tatum Insti-
tutio, & quo-
modo.* 14 Dabunt operam, ut inchoetur, promo- ueaturque, ubi opportuna res erit, Confraternitas aliqua Sanctissimi Sacramenti, vel nominis Dei, vel Rosarij, vel Doctrinæ Christianæ. Romam postea scribendo, ut stabiliri possit, iuxta Regulam 22. Missionum.

*Quæ in Mis-
sione Super-
ior.* 15 Qui priore loco in Patentibus nominabitur, Superior erit Missionis; alter eius Admonitor: demum omnes sibi commendatam esse intelligant exactam regularum pro Missionibus obseruantiam.

INSTRVCTIO XIII.

De spiritus renouatione procurandâ,
deque disciplinâ religiosâ augendâ.

CAPVT PRIMVM.

*Ad Orationis & Deuotionis studium
excitandum.*



CVM inter illa media, quæ cum Deo instrumentum coniungunt, atque disponunt, vt à Diuinâ manu rectè gubernetur; illud vnum ad cōseruationem, & incrementū spiritus efficacius sit, familiaritas videlicet cum Deo in spiritualibus deuotionis exercitiis; valdè commendatam omnibus esse cupimus, & seriò Superioribus iniungimus earum Ordinationum ac Regularum executionem, quæ Orationis augmentum magnoperè iuuare ac promouere consueuerunt. In primis proderunt solennia illa ac statuta Religionis nostræ, si frequens visitatio fiat dum oratur, & ab ipsis interdum Superioribus, ex Regulâ Præpositi 50. & Rectoris 47. si pœnitentiæ peccantibus imponantur: si in cubiculis spiritu feruentiores cum

Ex Deputatione pro renouatione spiritus.

Psalm. 10. §. 1.

Orationem, ac deuotionem promouentia.

tepioribus vnâ cohabitent: si crebrò Nostros alloquatur de hac re Præfectus spiritus, interrogetque modum, quem in orando teneant; doceat, instruat, ac dirigat pro rei exigentiâ: si Confessarius illis ipsis, quos in re tanti momenti, & ad spiritus conseruationem pernecessariâ deficere intellexerit, scrupulum iniiciat: si in priuatis exhortationibus, & conferentiis agatur frequentius de fructuosâ oratione habendâ, & de curâ rerum spiritualium augendâ: si in ratione reddendâ conscientiæ Superiores diligenter exquirant, quantum in hac re quisque profecerit, instruendo, formam docendo, excitando, & (si necesse fuerit) efficacioribus mediis ad tam sanctum & perutile religiosæ vitæ opus peragendum. Denique conandum, quoad eius fieri poterit, vt qui ex Nouitiatu ad Collegia se conferunt, haud faciliè eandem precandi rationem immutent, nec sine Præfecti spiritus, aut Superioris consilio in eiusmodi rebus progrediantur.

Ex Deputatione pro renouatione spiritus.

Qua visitationes interdiciantur.

2 Si interdiciantur id genus visitationes, quæ nec ad eum finem, quem intendit Societas iuxta suum Institutum, nec ad spiritum vocationis nostræ prodesse possunt; idque Superioris arbitrio, cuiuserit singula prudenter & maturè perpendere: his exceptis, quos minimè expedit præterire, tum ob commune bonum Societatis, tum ob maius Dei obsequium, & animarum auxilium: quâ de re, vt omnes

omnes rei momentum intelligant, sericæ exhortationes habendæ erunt.

3 Si omnino interdican-
tur inutilia, & pa-
rum religiosa colloquia ad ianuam cum ex-
ternis: nec permittantur, nisi cum ad difficul-
tates Casuum conscientiaë explicandas neces-
se fuerit; vel de rebus spiritualibus, & ad bo-
num animarum spectantibus agendum erit,
vel omnino pernecessariis, vt prudens caritas
faciendum esse docuerit Superioris iudicio;
præsertim viris grauioribus, & valde probatis
ad ianuam accedentibus.

Ex Deputa-
tione pro
renouatio-
ne spiritus.
*Inutilia col-
loquia.*

4 Si vacent omnes quotannis spirituali-
bus exercitiis per octo vel decem dies conti-
nuos: atque vt id efficaciter, & omnino fiat,
statutus est annuus iste vsus spiritualium exer-
citorum, tantoperè à Congregatione singu-
lis commendatus, Superioribus præsertim;
quibus curandum erit, vt non modò suo ce-
teris exemplo præluceant, sed tempus quoque
peropportunum singulis ad ea cum fructu
peragenda, difficultatibus peruietis, attri-
buant.

Annus Ex-
ercitorum
usus.

5 Postremò proderit non parùm, si quæ
Regulis 2. & 4. Sacerdotum de diuino Officio
attentè, deuotè, & opportuno tempore reci-
tando, de quæ semihorâ, eâ quâ par est reueren-
tiâ, in faciendo Sacro explendâ, præcipiuntur,
exactè seruentur. Denique si quæ ad pietatem,
& deuotionem pertinent, religiosè tractentur.

Ex Depura-
tione pro
renouatio-
ne spiritus.
*De officio, &
Sacro fa-
ciendo.*

CAPVT, SECVNDVM.

De ratione conscientie reddendâ.

Ex Deputa-
tione pro
renouatio-
ne spiritus.
*Qua seruan-
da circa ra-
tionem con-
scientie.*

1 **S**ERVARI oportet, quæ præscribun-
tur in Instructiōe ad reddendam con-
scientiæ rationem, quæ in ultimâ Regulâ
Prouincialis de modo accipiendæ rationis
conscientiæ; quæ item de non vsurpandâ no-
titiâ per confessionem, quæ est VII. Instru-
ctio; quæ denique in nouâ Instructiōe XI.
de paternè exigendâ ratione conscientiæ à
subditis.

*Praxis ra-
tionem con-
scientie exi-
gendi.*

Ex Regulis
pro Visita-
toribus.

*Superiores
Patres se
exhibeant.*

2 Operæpretium visum est hîc veluti præ-
xim tam laudabilis in Societate consuetudinis
apponere, quemadmodum cautè & paternè
in re tanti momenti Superiores se gerant. Pri-
mùm curent, vt ab inutilibus occupationi-
bus liberi, toti in suorum Subditorum inter-
nam curam, & spiritualem profectum omni-
no incumbant: quæ quidem cura in eo posita
est, vt ab iis, quâ par est diligentiam & circum-
spectiōe, exigant rationem conscientiæ: quæ
si, vt oportet, à subditis reddatur, atque à Su-
perioribus excipiatur, magnum proculdubio
momentum habebit ad spiritus renouationem
& augmentum. Secundo, vt rectè fiat, iuna-
bit plurimum, si Superiores seipsos Patres ex-
hibuerint, quod frequenter commendatum est;
cosque

eosque crebrò, & magnâ caritatis significatio-
 ne, vt Regula 26. Præpositi, & 25. Rectoris
 habent, vocent, alloquantur, & eos con-
 solentur, atque in spiritualibus instruunt; sic-
 que intelligant, se non tamquàm Lucidi suam
 conscientiam Superiori, sed tamquàm Patri
 manifestare; quò consilium ab illo, auxilium,
 & consolationem accipiant: neque idcirco
 futurum vt Superior tamquàm imperfectum,
 aut tentatum minùs diligat, aut minoris æsti-
 met; sed contra maiore caritate, ac peculia-
 ri affectu complexurus sit, quem syncerè &
 candidè iuuari velle conspexerit. Ipse verò
 Subditus sic existimare debet, se velut aliud
 esse, atque suos defectus. Quare ad Superio-
 rem confugere debet, vt simul cum eo ad eius-
 modi vitia eradicanda conspiceret; simulque
 etiam media petat, & auxilia, quibus id conse-
 qui possit. Superiorum autem erit tam blandè
 & amanter eos excipere, vt hæc ratio conscien-
 tiæ reddita, occasio fiat non semel aut iterum
 in anno statis temporibus ad eos recurrendi,
 sed frequenter eos adeundi: quò efficacius fi-
 nem hunc Societatis, id est directionem, vi-
 ctoriam contra vitia, & virtutum lucra con-
 sequatur. Tertiò, efficiant autem, vt Subditi
 intelligant, aliud esse reddere rationem con-
 scientiæ; aliud quid, generaliter confiteri: quia
 & regula diuersa est vtriusque, & diuersus finis,
 & modus diuersus. Nam confessionis finis

*Discrimen
 inter rationē
 reddenda
 conscientia,
 & confes-
 sionem genera-
 lem.*

est, proponere sibi ante oculos, totius illius tēporis culpas, illasque denuò maiore alacritate expiare, & quasi novas induere vires: in aperiendâ autem conscientia hinc est, statum animæ, nimirum defectus, passionēs, propensiones, tentationes, virtutes ipsas, & quæcumque ad perfectam sui cognitionem facere possunt, ei aperire, cui se ad maiorem Dei gloriam dirigendos tradiderunt. Modus etiam diversus est: nam in confessione peccata & circumstantiæ aperiendæ sunt: in alterâ verò ea dicere satis erit, quæ integrè profectum, seu defectum animæ, & statum interioris hominis manifestant. Quare ut cogendi non sunt Nostri ad rationem reddendam conscientia extra confessionem, cum id liberum Constitutio permittat pro cuiusque consolatione; ita summo perè laudandi, qui semotis iis, quæ propriè ad confessionem pertinent, (hæc autem Superiorem in confessione detegere poterunt) extra confessionem reddunt: totosque seipso patefaciunt, quò liberiùs, & absque vllò respectu Superiores ad illorum directionem, & vtiliorem gubernationem eâ notitiâ ad maius Dei obsequium vtantur.

Ex Deputatione pro
renouatione spiritus.

3 In exhortationibus crebrò à Superi-
oribus inculcetur tam sanctus & laudabilis
mos, à B. P. Nostro Ignatio inductus, & seriò
crebroque in Constitutionibus posteris suis
commendatus. Item eius necessitas, & utilitas,
non

non solum ad priuatum, sed etiam ad commune bonum spirituale ostendatur ex ipsis Constitutionibus, & ex Sanctis Patribus: soluanturque obiecta, rationibus & argumentis desumptis ex verâ Theologiâ. Ostendant multas cautiones adhibitas ad rem hanc religiosè & prudenter tractandam ab ipsis Constitutionibus, à Præpositis Generalibus in suis Ordinationibus, scilicet de secreto seruando; & quemadmodum instituta sit ratio conscientiæ reddendæ ad spiritualem profectum Subditorum, & ædificationem.

In domesticis exhortationibus commendandus usus apertendi conscientia.

CAPVT TERTIVM.

De Silentij Regulâ exactè seruandâ.

1 **S**ERIO Superiores inuigilent in exactam Regulæ 26. de Silentio observationem: & executioni mandentur, quæ in Instructione pro Superioribus cap. 3. §. 9. habentur. Sed in primis intelligant omnes oportet, quemadmodum extra tempus recreationis semper & vbique tacendum est, præterquàm in casibus, & locis in regulâ expressis; ita dato signo ad finem recreationis, statim esse silentium.

Ex Deputatione pro renouatione spiritus. Statim post recreationem silentium.

2 Curent quoque vt intelligant, cùm foras eundum sit, minimè loquendum esse, iuxta Regulæ intellectum, intra Urbem vbi populi est frequentia.

Silentium in frequentia populi.

*Silentium in
refectorio, &
culinâ, dum
inferuiunt.*

3 Ut qui in Refectorio, vel in Culinâ tem-
pore primæ & secundæ mensæ inferuiunt,
eamdem esse sibi legem seruandam putent,
quamuis vtrisque secunda recreatio permit-
tenda videatur.

CAPVT QVARTVM.

De vitiis linguae, & frequentia litte- rarum.

*Ex Deputa-
tione pro
renouatio-
ne spiritus.*

1 **R**eligiosè seruentur præscripta in libel-
lo Industriarum, ea præsertim quæ
cap. 15. habentur.

*Auctores
corrigantur.*

2 Superiorum conscientia de hac re, ve-
luti gravissimâ, & inimicâ vnioni & caritati,
grauetur, seriò vt aduigilent, & auctores di-
ligenter inquirant, vt seuerè puniantur. Qui
verò auctores ipsos manifestare recusauerint,
pro ipsis habeantur.

*Litteras ser-
bendi abusus.*

3 De inordinatâ ac nimia communica-
tione per litteras, si quæ in cap. 15. à §. 7. ad
13. Ordinationum Generalium nuper præ-
scripta, executioni mandentur, nihil erit quod
hac in re desideretur.

CAPVT QVINTVM.

De votis, Paupertate, Castitate, & Obedientiâ.

1 **P**RO Obedientiâ & Castitate legantur capita quartum & quintum pro Instructione Superiorum: neque enim aliud visum est addendum. Ex Deputatione pro renouatione spiritus.

2 Executioni mandentur, quæ de manifestatione delicti Superioribus faciendâ censuit Congregatio.

3 Quod ad Paupertatis nostræ puritatem attinet, abunde prospectum est in §. 7. & 8. Instructionis antiquæ pro renouatione spiritus. Præterea, Reliquiaria, & his similia, quæ colla suspensa circumferuntur, vnius aurei pretium minimè excedere oportebit. Reliquiaria vnius aurei pretium ne excedant. Vfus verò accipiendi, mittendi quæ etiam cum facultate, Vfus accipiendi, mittendi quæ mandantur. omnino corrigendus videtur: nec tam faciles se Superiores exhibeant in faciendâ huiusmodi potestate, præsertim generali.

CAPVT SEXTVM.

De vsu pœnitentiarum secretarum excitando.

1 **L**egendæ interdum erunt publicè litteræ R. P. N. Claudij Aquavivæ, de vsu pœni-

Ex Deputa-
tione pro
renouatio-
ne spiritus.
*Legatur li-
tera P. N. de
hac re.*

pœnitentiarum, iuxta nostri Instituti ratio-
nem nuper scriptæ: in quibus ostenditur, non
idcirco quod ex regulâ certas & statutas non
habeamus, eas negligi Religiosis Societatis
oportere.

*Excitandus
usus pœni-
tentiæ.*

2 Excitetur tam laudabilis vsus, sicubi non
ita vigeat, à Superioribus in exhortationibus,
extraque illas in priuatis colloquiis, in iis præ-
sertim qui iuuenes sunt. Et sicut inflammandi
repidiores erunt à Præfecto spiritus, à Recto-
re, & Prouinciali in visitatione; ita feruentio-
res regendi sunt, ne nimium excedant.

CAPVT SEPTIMUM.

*De cautelâ adhibendâ, ne Principum ac
Magnatum aula nostris obfint.*

Ex Deputa-
tione pro
renouatio-
ne spiritus.
*Seruentur
præscripta.*

1 SATIS prospectum fuerit, si ea quæ cap. 15.
Industriarum remedia indicantur, Supe-
riores, præsertim Prouinciales adhibuerint.

2 Vt ostendatur Principibus vitis Instru-
ctio 21. pro Confessariis Principum, ut ibi præ-
scribitur. §. 14.

*Træuenian-
tur, & præ-
cidantur.*

3 Si mala præueniantur, cum apparent fu-
tura ex signis positis in Industriis, & præcidan-
tur initio familiaritatis istæ cum Principibus,
antequam adolecant, & radices agant, quæ
Societati nostræ, nisi fortiter obistamus,
grauiter minitantur; præcipue cum Superio-
res conuiuent.

CA-

CAPVT OCTAVVM.

De humanâ & politicâ ratione agendi, præsertim in Iunioribus.

1 **E**X C I T A N D I quidem sunt, qui hoc malo laborant, spiritu perfectionis, serioque monendi, ne huic pesti religionis adhærescant: quod magnoperè dedecet virum Religiosum, qui candorem, ac simplicitatem profiteretur, Ex Deputatione pro renouatione spiritus. Quomodo excitandi.

2 Superiores cum aliquos humanis iis rationibus quasi adminiculis ad suos fines consequendos vti compererint, facto ipso technas ipsorum dissoluant, & cuniculos antevertant; præcidendo intercessionem, fauores, machinationes, ita vt eorum consilia irrita omnino reddantur: doceanturque dum iuvenes sunt, detestari tantum malum in Societate: & seruanda curent, quæ cap. 24. in Ordinationibus generalibus præscribuntur. Quod si Subditis ipsis, vt suos fines, propriaque commoda mediis non religiosis assequantur, tam indecorum fit; quid Superioribus fiet, si in hoc ipso quod grauius, eò turpius peccauerint?

CAPVT NONVM.

*De Recreatione quotidianâ religioſè
transigendâ.**Abusus re-
creationis.*

1 **E**T si in hac Generali Congregatione, quandoquidem minore cum fructu, & parum religioſè transigi à Noſtris tempus recreationis non pauci conquerebantur; seridò actum sit de moderandâ, contrahendâque recreatione ob plurima quæ numerabantur incommoda, quæ Religioſam viuendi rationem dedecent; viſum est tamen Patribus, momentis rationum hinc inde perpenſis, quidquam noui in præſens minimè ſtatuerè. Verùm adnitendum eſſe pro viribus, vt aliis primùm rationibus, quæ à diuerſis propoſitæ fuerunt, quaſi periculi faciendi gratiâ, iretur obuiam incommodis, quæ in recreationibus noſtris alicubi reperiri non ſine iacturâ ſpiritus plerique dolebant. Quæ res cùm à Patribus Deputatis pro renouatione ſpiritus, vt cenſuit Congregatio, diligenter diſcuſſa fuiſſet, P. Noſtri iudicio reiecta eſt, rationibus nonnullis religioſè peragendæ allatis, quæ ſequuntur.

*Religioſè re-
creatio fa-
cienda.*

2 Vt peculiaris hac in re diligentia à Superioribus adhibeatur (quibus præeundum erit exemplo ceteris) vt recreationis tempus, iuxta Reg. 56. Præpoſiti, & 55. Rectoris, religioſè impen-

impendatur. Quod nisi rectè, & vt Religiosum decet, & vt finis huius institutionis postulat, traducatur; refrigescat spiritus necesse sit, plurimumque distrahatur. Quo sanè fiet, vt dum inter nos ea, quæ pios viros decent, loqui non assuescimus, deinceps etiam cum externis ea colloquia minimè miscere nouerimus, quæ pietatem redoleant, & audientes ædificent.

3. Aduigiletur itaque, vt non solum exterminentur, si quæ sunt, oblocutiones, & obmurmurationes; sed explodantur etiam à religiosâ recreatione rerum curiosarum, & ludicrarum narratiunculæ, libertasque & secularitas indecora. Seculares autem rumores, qui foris audiuntur, iuxta regulam, nec temerè, nec sine fructu domi narrentur.

*A quibus
abstinendum
in recreatione.*

*Reg. 17.
coram.*

4. Proinde suppeditabit abundè materiam recreationi nostræ Catalogus à P. Natali p.m. confectus; qui saltem quotannis ad memoriam excitandam semel atque iterum legendus erit ad mensam: tum lectiones quotidianæ, quæ in Refectorio audiuntur, præsertim litterarum annuarum: denique spiritualium librorum frequens lectio, si ei tempus iuxta Regulam arbitrio Præpositi, & Rectoris, aut Præfati spiritus, statis horis studiosè impendatur.

*Quanam
materia
religiosa
recreationis.*

5. Porro consuetudo visendi Sanctissimum Sacramentum à prandio, vel à cœnâ, vt nullo modo generatim præscribenda est, ob multas rationes; ita nequaquam omnino prohibenda

*Sanctissimū
Sacramentū
inuiscere.*

benda videtur, si & ipsa loci dispositio faciliorem eam reddat aliquibus, qui sponte velint accedere: quibus Superioris erit, si nimij fuerint, modum iniicere.

*Pœnitentia
imponenda.*

6 Postremò ad præcauenda liberioris conuersationis incommoda, præmonendi erunt omnes in exhortationibus, vt ab huiusmodi narrationibus, & colloctionibus abstineant, adhibeanturque ad eam rem idonei Syndici: & submitrantur subinde viri probi spirituales, qui sermones sanctos, & religiosæ recreationi conuenientes inducant: nec desint transgredientibus pœnitentiæ, vel ab ipsamet recreatione ad tempus submonendi, quando hac in re non leuiter eos peccasse Superior perspicuè animaduertit.

QVIBVS DE REBVS NOSTRI

Recreationis tempore colloqui possint.

- 1 **D**E Vitâ Christi, & Sanctorum: deque historiis Ecclesiasticis.
- 2 De Historiis Societatis tum rerum, tum personarum.
- 3 De bonis cuiusque desideriis ad proficiendum in viâ perfectionis: deque fructu ex meditatione collecto.
- 4 De bonis desideriis iuuandi proximos,
præ-

præsertim inter hæreticos, & infideles.

- 5 De rebus, quas in sacris lectionibus, aut concionibus audierunt, vel inter prandendum, aut cœnandum.
- 6 De Spiritu & Instituto Societatis: de Constitutionibus, de Regulis, & gratiâ Vocationis: cum humilitate tamen, simplicitate, ac deuotione in Domino, ad perfectam eorum obseruationem.
- 7 De suâ cuiusque vocatione.
- 8 De Virtutibus, iis præsertim, quæ Religiosis peculiare sunt: idque iuxta gratiam & proprietatem nostræ vocationis.
- 9 De Vitiis contrariis, non tamen carnis.
- 10 De Morte, Iudicio, Inferno, Paradiso.
- 11 De iudiciis Dei occultis, ac manifestis.
- 12 De miseriis mundi; deque periculis eorum, qui in seculo degunt.
- 13 De securitate eorum, qui in Societate viuunt: cum humilitate tamen, nihil eam aliis Religiosorum Ordinibus præferendo: sed feruenti spiritu eius gratiam magnificando in Domino.
- 14 De bonis operibus, quæ conferuntur in proximum.
- 15 De Virtutibus, ac religiosâ conuersatione Patrum ac Fratrum; eorum præsertim, qui vel procul absunt, vel requiescunt in Domino.
- 16 De Hæreticis, & Infidelibus nostræ tempesta-

pestatis: quod spectat ad concipiendum
animum vt aduersùs illos pugnemus in
gladio Spiritus, atque oremus, vt Do-
minus eos conuertat.

17 De his tandem rebus loquantur, quæ pos-
sint simul & relaxare animos, & ad spi-
ritualem ædificationem facere. Eæ autem
erunt, quæ minimum habeant specula-
tionis, affectus verò habeant religiosè
honestos, ac suauiter religiosos.

1 NE sint Nostri in recreatione singulares,
solitarij, aut tetrici.

2 Ne leues in actione..

3 Ne immodesti.

4 Ne verbosi.

5 Ne iracundi.

6 Ne contentiosi, aut ironici.

7 Ne in incessu incitati.

8 Ne molesti, aut acerbis.

9 Ne voce vrantur elatiore, aut cathinnis.

INSTRUCTIO XIV.

Pro Concionatoribus.



VM in antiquâ Instructiōe, & Regulis Concionatorum abunde prouisum sit; nihil prætereà addendum esse Patres censuerunt, præter illa duo.

Ex Deputatiōe pro Concionatoribus.

Primum, Vt quoniam vsu ipso comperimus, siue operatorum inopiâ, siue Superiorum neglectu, minimè executioni mandari quod in §. 7. eiusdem Instructiōis præscriptum; Vt qui biennium ad repetenda studia non habuerint, si concionandi talenta non defuerint, per duos annos priuato studio Sacræ Scripturæ, legendisque Patribus, ac sanctę meditationi vacent; operæpretium visum est, seriò, iterumque Prouincialibus commendare, vt vnus saltem anni spatium iisdem absque vllâ dispensatione aut dilatione attribuant.

De tempore Concionatoribus attribuendo.

2 Alterum est, vt quemadmodum, ne paupertatis nostrę sinceritati labes aliqua proprii vsus aspergatur, factum videtur satis §. 5. Instructiōis ad renouationem spiritus, ne duplices vestes in cubiculis, & instrumenta ad iter agendum vt propria asseruentur; ita vt necessitati iter agentium, eorumque qui in Missionibus versantur, cum caritate prospiciatur; ad-

De necessariis suppediandis concionatoribus.

nitendum erit Superioribus ne quid eiusmodi desideretur : sed liberalem se quisque exhibeat debito cum amore : ne dum paupertatis velimus amantes nimium videri , caritas ipsa lædatur, & occasio illis detur, dum aliunde inconsulto Superiore sibi providere coguntur, aliquid patrandi, quod proprietatem sapiat. Quarè Prouincialibus enixè incumbendum erit, vt in maioribus Collegiis, & proportionē quadam in minoribus, impensis Prouinciæ, vel aliquā aliā ratione peculiaris quispiam locus sit, in quo huiusmodi res asseruentur ; ex quo necessaria Concionatoribus, atque iter agentibus abundè suppedientur.

INSTRVCTIO XV.

Pro Confessariis, & omnibus
Sacerdotibus.



RÆTER ea, quæ in Regulis Sacerdotum & Instructione pro Confessariis statuta sunt, hæc visa sunt Patribus depuratis Congregationis VI. præscribenda.

CAPVT PRIMVM.

De non accipiendis eleemosynis.

1 **C**V M difficile sit Principibus viris Confessarios de Nostreis postulantibus denegare; vt integrè hac in re, & syncerè agatur; néve, dum aliis nostris ministeriis prodellè cupimus, paupertati nostræ damnum inferamus; statuit Congregatio, vbi Instructionem illam pro Confessariis Principum à R. P. N. Claudio Aquaiuâ confectam suâ auctoritate sancit, nemini Nostrorum licere, eo maximè nomine, quòd cum Principibus ac viris primariis familiariter agant, vel eorum Confessarij sint, ab iis quicquam ad proprium vsum ac dispositionem accipere: neque Superiores ad eam rem potestatem facere posse; eo nequaquam impunè abire permissò, qui hac in re defecisse deprehenderetur. Quod item omnino iudicium esse voluit de aliis Confessariis, Concionatoribus, Præceptoribus, & similibus, erga pœnitentes, deuotos, consanguineos, amicos; maximè verò de iis, qui in Missionibus versantur.

Interdicuntur eleemosyna ad primum sum.

Superioribus facultas admittitur.

2 Quòd si sponte aliquid offeratur, aut cuiquam mittatur, id iuxta Reg. 64. Præpositi, & 60. Rectoris, in communem vsum accipiat & dispensetur. In casibus verò peculiaribus, prudentiæ Superiorum permittitur

Quomodo dispensanda.

perpendere quid expediat; & vbi dubium inciderit, ad Præpositum Generalem referre.

CAPVT SECVNDVM.

De visitandis mulieribus.

Omnes Ordinationes de visitandis mulieribus discussa in deputatione, à Generali Congregatione confirmata.

QVONIAM Decreto 19. Congregationis Sextæ Patribus Deputatis ad renouationem spiritus cura demandata fuit diligenter inspiciendi, utrùm Instructionibus, atque Ordinationibus à R. P. N. Generali sæpè repetitis circa visitationes feminarum aliquid esset addendum; post diligentem rei discussionem retulerunt Congregationi, se percurrisse & expendisse omnia, quæ hac de re scripta sunt, nimirum Instructionem tertiam pro Confessariis, illa præsertim capita, quæ ad confessiones, colloquia, & visitationes mulierum spectant; tum caput duodecimum Ordinationum Generalium, quod totum versatur in executione Regulæ 18. Sacerdotum, vnà cum eorundem regulis eiusdem argumenti; denique binas litteras missas ad Prouincias, alteras 21. Decembris 1605. quæ totæ in eodem versantur; alteras 23. Nouembris 1607. de Nostreis associandis cùm domo egrediuntur inscriptas; in quarum postremis magnoperè inculcatur obseruatio eiusdem Regulæ 18. Atque omnibus visum est, abundè prædictis

dictis Ordinationibus prospectum esse, quantum in humanis prospici potest: nec quicquam amplius desiderari posse, præter exactam executionem. Quorum iudicium vniuersa Congregatio confirmauit.

Ex litteris P. Nostri datis 25. Decembris 1605.

I PRÆSCRIBITUR vt Superiores immediati præter quotidianam sollicitudinem singulis mensibus diligenter inuestigent, quonam modo hac in parte res se habeat.

Singulis mensibus de hac re inquirendum.

2 Vt Fratres Coadiutores doceantur, cum vesperi domum redeunt, debere se ad Superiorem referre, an Sacerdos, vel quiuis alius qualibet ex causâ regulam fregerit: seu rursusque animaduertatur in Socios, qui minus fideles hac in re se gesserint, admonitis eorum Confessariis, vt conscientias eorum grauent, si id non faciant: significeturque hoc ipsum in commune Coadiutoribus, ne ignorantiam excusent. Porro in Sociis assignandis, etiam Sacerdotibus, impensior cura & delectus habeatur.

Coadiutores tenentur Superiori referre.

3 Vt accuratè seruentur, quæ §. 3. 4. & 6. continentur de remediis, quibus, eas uti conuenit, quæ frequentius confitentur, & largas tamen moras in confessionalibus trahunt.

De frequenter confitentibus.

Itemque quod de syndicis cauetur §. 5. & de visitationibus §. 7. quòd nimirum sine vrgentibus rationibus institui visitationes non debeant, earumq; dumtaxat personarum, quæ digne hoc officio, & minimè suspectæ videantur.

Confessionalia congruè disponantur.

4 Quod ad confessiones attinet quæ in templo audiuntur, Superioribus curandum præscribitur, vt Confessionalia patentibus locis constituentur; eaque ita inter se collocentur, vt vnus Confessarius sit quodammodò socius alterius; visitabitque subinde Superior, ne suis locis moueantur, & vt crates integræ sint, atque minutæ.

Tempus ecclesiam adueniendi.

5 Cauetur ne manè intempestiuè, aut seriùs vesperi (nisi forrè cùm magna est frequentia, & sufficientibus tum facibus accensis) neque interdiu item à prandio recreationis tempore. aliòve quo ire omnes non solent, in ecclesiam eant Sacerdotes, nisi nominatim accersantur; præter eos, qui ad diem illum sunt designati.

Modus in mulierculis iuvandis adhibendus.

6 Ne Confessarij, pauperum mulierum iuvandarum prætextu, maiorem quàm deceat familiaritatem contrahant: & vt eleemosynæ, iuxta Regulam Sacerdotum 22. cum consensu Superioris fiant, atque alienâ potiùs manu, quàm per ipsos, quoad eius fieri poterit. Quântumvis enim à caritate inchoëtur, res tamen decursu temporis periculi plena, aut certis calumniis obnoxia fit.

7 Vt immediatus Superior vnà cum Præfecto Ecclesiæ, Ædituo, & Syndico quopiam secreto, seorsumve cum singulis expendat, quæ admodum se res habeant, & quàm accuratè in ecclesiâ præscriptæ Ordinationes seruentur: *Superior inuestiget an hæc Ordinationes seruentur.* moneanturque Consultores omnes, quòd inter capita, de quibus ad Generalem, siue ad Prouincialem scribent, hoc vnum esse oportebit, quemadmodum scilicet superiora seruentur, ac præcipuè circa Visitationes, ac Socios.

8 Vt omnes Confessarij, quod aliàs enixius commendatum est, per vnus mensis spatium ad Missionem aliquam destinentur (iis dumtaxat exceptis, qui graues ob causas, vel inualetudinis, vel senectutis minimè idonei ad id muneris iudicio Prouincialis videbuntur) quæ res cum magnæ ædificationi libertatiq; pœnitētium cessura sit (vt de fructu non dicamus, qui ex Missionibus ipsis colligetur) seriò Superioribus inculcatur, vt executioni mandent, omni difficultate peruietâ. *Missiones identidem faciendæ.*

9 Demum vrgendam esse Regulam de non admittendâ vllius pœnitentis obedientiâ; & de potestate alios Confessarios adeundi: libenter faciendâ; vtque ab omni adhærentis affectus specie alienos se Nostri ostendant. Quòd si qua erit, quæ nimis crebrò, qualicumque prætextu, redire videatur, alium ei Confessarium designare oportebit; curareque, vt prior illam à se dimittat. *Libertas faciendæ pœnitenti consistendi alteri*

Ex litteris 13. Nouembris 1607. De obligatione Sociorum ad Superiorem referendi.

Teneantur Socii Superiorem referre.

IN postremis, post seriam commendationem toties repetitæ Regulæ 18. Sacerdotum; vt ostendat quanti illa facienda sit, & in praxim promptè & efficaciter à Superioribus redigatur, præscribit iisdem, vt quamprimùm has acceperint, Fratres omnes aduocent, & admoneant sui officij; scilicet ipsos arctissimè teneri, vt Superiori referant sub vesperam eo ipso die, si fortè Sacerdos, vel alius Regulam de Socio secum habendo non seruauerit; quod de iis omnibus, quamuis Sacerdotibus, vel Scholaribus intelligi vult, qui Socij alterius fuerint.¹

Pœnitentia Socii iniungenda.

2 Vt illi pœnitentiam triam disciplinarum subeundam sibi esse primâ vice intelligant, si Superiorem non admonuerint. Quod si iterum in eamdem negligentæ culpam inciderint, admoneri Generalem oportebit, vt deliberet, an in Societate tales retinēdi sint qui in re, quam tanti Societas meritò facit, parùm fideles sese præstiterint. Quamuis de publicis disciplinis imponendis, Superioris prudentiæ permittatur, sicubi hoc medio cum aliquâ notâ defectû Sacerdotis publicari intellexerit: quotamē in casu secrete minimè prætereūdæ erunt.

Cere-

Ceterùm hæc Ordinatio de socio, præter Sacerdotes, non solum ceteros amplectitur, *Omne genus visitationum regulâ Socij comprehendit.* qui Sacerdotes nō sunt, siue mulieres inuisant, siue alios ex Nostreis comitentur; sed etiam quæcumque genera visitationum comprehendit, ne (vt religiosæ decentiæ consulatur) vllibi socium solum esse permittant: nisi personæ, quas adeunt, eæ sint, vt per negotia quæ seceretum postulent, aut per vrbauitatem ipsam minimè liceat esse cum socio.

INSTRVCTIO XVI.

Pro Nouitiis.

VALDE commendatum esse cupimus Magistro Nouitiorum, *Ex Deputat. pro Nouitiis.* vt, iuxta Regulam 44. Nouitij antequàm ad Collegia educantur (ad quæ tempore *Nouitij regulæ instruat.* vacationum generalium ordinariè minimè mittendi erunt) probè instructi à Regulis sint: è quibus, quemadmodùm plurimùm peti debet materia exhortationum, ita non multum erit in singulis regulis immorandum; vt omnes, si fieri possit, ante biennium absoluantur; neque idcirco alterius generis exhortationes interdicuntur, quas ipse profuturas Nouitiis existimabit.

*Exercitia in-
regra semel
obtinenda.*

2 Ut quemadmodum, iuxta Reg. 28. & 37. Magistri Nouitiorum, spiritualia Exercitia exactè omnibus in principio obeunda sunt, ita minimè integrè repetenda altero anno, sed ex parte, iuxta Reg. 39. quando ita in Domino expedire iudicatum fuerit.

*Manifestan-
da Nouitiu.*

3 Quæ de manifestatione delicti Superiori faciendâ probata ac sancita sunt in Sextâ Generali Congregatione, ostendenda sunt Nouitiis, & declaranda, iuxta Reg. 15. Magistri Nouitiorum; inter alia, quæ ibidem ipsis proponenda explicandaque paullatim dicuntur.

INSTRUCTIO XVII.

Pro Scholasticis.



CUM ad primicias spiritus, ac feruorem, quem initio hausimus in Societate, conseruandum promouendumque tanti sit educatio nostrorum fratrum, qui studiis dant operam; hæc pauca ad eos, quales instituti nostri ratio postulat, efformandos, addenda censuimus veteri Instructioni.

*Rarè Scho-
lastici ad ian-
nuam acce-
dant.*

1 Ut ad §. 2. in quo præscribitur, ne assuescant nimis colloqui cum externis, aut amicis; illud addatur, ut ad ianuam, nisi de vnius Rectoris expressâ licentiâ non vocetur: quam raro

rò admodum oportebit illum concedere; eundemque inuigilare, ne proluxa sint eorum cum externis colloquia. Nisi fortè in locis ubi sunt Vniuersitates, indulgeri plusculum videri possit, vt Prouincialis, vel Rectoris iudicio aliquibus ex Nostri viris probis ac spiritua- libus cura demâdetur, quò in spiritu iuuentur.

*Colloquia
cum externis
interdicuntur.
Ex Dep. pro
Schol.*

2. Et si in vniuersum minimè visum est præscribere, ne Scholastici suorum Magistrorum cubicula ingrediantur; nihilominus tamen cum alicubi mos esse dicatur, vt non studiorum tantum causâ Scholastici suos Præceptores in cubiculis adeant; censuit Congregatio declarandum esse, facturos ipsos contra Regulam communem (quâ nemini in alienum cubiculum ingredi licet, sine generali aut speciali Superioris facultate) si aliam ob causam, quàm solam studiorum in eorum intrent cubicula, aut commorentur, Proinde expedire visum est, vt Superior ipse designet horam Magistris opportunam, quâ possint adiri; Extra quam si necesse fuerit Scholasticos agere cum iisdem Præceptoribus, eorumque cubicula ingredi, petant iuxta regulam sibi fieri à Superiore potestatem.

Hora Magistrorum ad eundem assignanda.

33. Comm.

3. Operæpretium visum est, ob incommoda quæ usu comperta sunt, si alicubi generalis facultas dari consuevit, aut huiusmodi mos inualuit, vt Magistri in sua mutuò cubicula intrent absque particulari licentiâ, id in

Generalis facultas mutuâ in sua cubicula ingrediendi Magistris interdicitur.

postea

posterum omnibus interdici: in casibus verò particularibus Superiores ipsi expendant, quid in Domino expediat.

Die recreationis in vineâ, ut tempus distribuendum.

4 Ut die recreationis hebdomadariæ cùm itur ad prædium seu vineam, ibique cœnatur, meridie per vnam vel alteram horam Scholastici partim studeant, partim orationem matutinam perficiant: quo tempore nulli fas sit vel ludere, vel confabulari; nisi eo elapso signum detur ad recreandum.

Die recreationis in collegio quomodo tempus distribuendum.

5 Cùm verò per cæli iniurias, vel alias ob causas die recreationis neque ad prædium, neque deambulatam ire licuerit; manè ad recreationem non pulsetur, sed vacetur studiis: à prandio verò, peractâ recreationis ordinariâ, morâ aliquâ interpositâ detur signum ad recreationem per tres horas. Superioris autem erit præcauere, ne irreligiosi clamores, itemque ludi, qui à vicinis audiri possint, permittantur.

Magistri ne inutiliter cū externis colloquia protrahant.

6 De Magistris autem etsi nihil in præsens visum est addendum ad ipsorum Regulas, Superioribus tamen iniungitur, vt diligenter inuigilent, ne in colloquiis, quæ necessariò haberi debent cum externis suis Scholasticis, diutius commorentur, præsertim cùm vno aliquo: tempùsve inutiliter, ac parùm religiosè insumant.

7 Vt ante renouationem votorum instituaturs vacatio per triduum; ita vt ab aliis occu-

occupationibus, etiam litterariis, præterquam
 ab ordinariis lectionibus matutinis, aut po-
 meridianis, sicubi fuerint, vacetur. Cuius rei
 causâ peropportunum & peraccommodum
 tempus Superiores excogitabunt: exempli causâ
 in hyeme Natalitias vacationes, ubi per to-
 tam hebdomadam à studiis feriat: in quibus
 vota renouaturi per triduum exercebuntur in
 rebus spiritualibus iuxta Instructionem. Quæ
 duo capita complectitur: Primum, ut ad col-
 loquia vel negotia cum externis ad ianuam, vel
 ad recreationem cum domesticis illo triduo
 non admittantur. Alterum est, quod cum finis
 sit harum feriarum spiritualium, ut ex occasio-
 ne renouationis votorum unusquisque sedulo
 incumbat in omnimodam suimet reformatio-
 nem per examen, & confessionem generalem,
 seque ipsum introspeciat, expendendo statum
 animæ suæ, & vocationis tam singulare donum
 agnoscendo, quæ tam arctè pariter quemque
 obligat ad diuinæ maiestati pro virili parte re-
 spondendum; operæpretium erit aliquot ho-
 ris meditationi, & orationi, præter pij alicuius
 libelli lectionem, impensè vacare: atque in eum
 finem vsui esse poterunt nonnullæ Meditatio-
 nes, quas hac de re P. Franciscus Borgia fel.
 mem. scriptas reliquit, aut id genus aliæ, quas
 Superior, vel Præfectus, spiritus fini, quem in-
 tendit Societas, profuturas iudicauerint.

*Triduum
 recollectio
 ante votum
 renouationis,*

*Instructio pro
 triduo rite
 impendendo.*

INSTRVCTIO XVIII.

Pro executione vrgendâ.

Fiat catalogus eorum, quæ Superioribus præstanda sunt.



AD faciliorem notitiam eorum, quæ Superiores scire convenit, ut ea exequi possint; operæpretium visum est confici Catalogum eorum, quæ Superioribus, tum Prouincialibus, tum localibus præstanda sunt; ut omnia siue ex Regulis, siue ex Ordinationibus compendio collecta memoriæ subsidio sint.

Quid singulis hebdomadis, vel alternis.

2 Proderit ad eamdem notitiam, ut Superiores cum suis Consultoribus tempore ordinariæ consultationi singulis hebdomadis unâ perlegant aliquid ex regulis, vel Ordinationibus, vel Instructionibus, & similibus.

Quid singulis mensibus.

3 Singulis quibusque mensibus legi oportebit in consultatione memoriale earum rerum, quæ à Prouinciali, vel Visitatore executioni mandandæ relictæ sunt; tum ne memoriâ excidant, tum ut suo tempore à Consultoribus moneri possit Prouincialis de executione. Ideoque eisdem, quemadmodum & Admonitori, communicandum erit eiusmodi memorialis exemplar, iis expunctis, quæ particulares personas attingunt. Ceterum enixè commendatur Visitoribus ac Prouincialibus,

Quibus memoriale communicandū.

bus, ut à nouis Ordinationibus absque necessitate multiplicandis abstineant, easque relinquunt, quæ faciliè executioni mandari possint; easque non nisi primùm Superioribus, iisque, qui iudicium ferre poterunt, ostensas, iuxta Regul. 134. Prouincialis. Expedit enim ob difficultates, quæ ex ipsis Ordinationibus oriuntur, præsentem potius audire, quàm absentem; & expungere, si quæ expungendæ erunt; vel Superiorem, ceterosque capaces reddere, & ad executionem cohortari.

4 Formanda aliqua capita, de quibus Superiores & Consultores suis temporibus ad Prouincialem scribant, ne in scribendo incertum vagentur, easque negligant, de quibus necessariò esset Prouincialis monendus: hæc autem desumi poterunt ex Instructione pro Consultoribus.

5 Superioribus localibus præscribitur, ut semel in mense, primâ videlicet hebdomadâ, pro ordinariâ consultatione agatur de executione: scilicet, an aliquid domi sit quod negligi videatur: an vigeat regularum observatio, tam communium quàm officialium: an notetur aliquarum frequens transgressio: an Superiorum Ordinationes executioni mandatæ sint, præsertim earum quæ in memoriali relictæ sunt à Prouinciali; quæ eodem ipso tempore legendæ erunt, si nondum executioni mandatæ fuerint. Porro de hoc capite specialiter & dis-

Ne Ordinationes multiplicentur Superiores primùm audiendi.

De quibus ad Prouincialem scribant Consultores.

Agatur in consultatione de executione.

Scribant de hac re ad Generalem Consultores.

disertè scribant ad Præpositum Generalem,
& ad Prouincialem Consultores.

*Quid præ-
stādum Pro-
uincialis sin-
gulis mensi-
bus.*

6 Principio cuiusque mensis instituat Pro-
uincialis cum suis Consultoribus consultatio-
nem, in quâ inquirat quēadmodū se habeat
totius Prouinciæ disciplina, quid de eā sciatur,
quid audiatur, quid ipsemet Prouincialis à Re-
ctoribus, eorundemque Consultoribus acce-
perit. An verò huiusmodi consultationes fiant,
quo fructu ac satisfactione, monēdus erit Præ-
positus Generalis à Consultoribus, cū ad
eundem quater in anno scribunt.

Quarè ad faciliorem vsum, perscribi oportet
nonnulla capita singulis mensibus in
Consultationibus examinanda: iis magis in-
hærendo, quibus nondum plenè satisfactum
videtur; præsertim circa abusus, si qui in Pro-
uinciâ sint.

*Prouincialiu
Superiores
tueantur.*

7 Adnitendum Prouincialibus pro viri-
bus, vt sibi Superiores locales deuinciant; &
amanter cōfidenterque cum illis agant: osten-
dātque se de felici illorum gubernationis suc-
cessu, & auctoritate apud Subditos tuendā
esse sollicitos.

*Subditorum
querela exa-
minanda.*

8 Vt examinentur diligenter querelæ Sub-
ditorum contra Superioris rigorem, ad singu-
lares casus descendendo; ne rigorem appel-
lare consuecant Religiosam disciplinam à
Subditis velle exigere, & exactā Regula-
rum obseruationem: perpendaturque, cur de

non-

nonnullis Superioribus raræ admodum interdum obaudiantur querelæ; an quia, licet fortes in disciplinâ, suaves tamen sunt; an verò quia remissi & indulgentes, quiq̃ue neminem contristare velint, vt in pace viuant.

9 Vt mediati Superiores non ita facilè credant delationibus, expedientes, & rationes & excusationes quas afferant immediati: & vbi sine culpâ fuerint inuenti, monèdi serio à Provinciali Delatores erunt, vt cautiore sint in posterum: curentq̃ue vt Subditi intelligant, valdè probari sibi zelum Superiorum in promouendâ disciplinâ iuxta officij sui munus. Proinde Superiores mediati, siue præsentés, siue absentes sint, nullam omittant occasionem immediatos ad executionem cohortandi, vrgendiq̃ue: per quos pari ratione inferiores omnes ad eandem excitandi erunt.

10 Promouebit non parùm executionem si vigeat disciplina, & vsus reprehensionum, aliarumq̃ue pœnitentiarum in transgressores legum, præsertim negligentes paterna monita, seruato ordine in Regulâ 20. Præpositi, & 27. Rectoris præscripto: ita vt omnino sibi persuadeant Subditi, veniendum tandem fore ad extrema, dimissionem videlicet, si opus fuerit, quando cetera media nihil profuerint. Qui sanè Regularis obseruantia rigor vniuersos attingere debet, vel antiquiores, & seniores ipsos; imò & Superiores, si officio suo defue-

rint, ad aliorum ædificationem & satisfactionem, & quò liberius executionem promouere queant, omnesque intelligant, nullam sibi iniuriam fieri, aut notam aliquam infamiae inuri, si ob regulares defectus publicis pœnitentiis mulctentur.

*Præsente
Prouinciali
executionis
mandanda
sunt.*

II Ceterùm cum executio potissimùm posita sit in opere ipso vrgendo potius, quàm in legibus scribendis; expedit, vt Visitator ac Prouincialis in suis visitationibus ea quæ remedio egere intellexerint, quippe quæ liquidò Regulis obuersentur, neque moram patiantur, curent omnino ante suum è Collegio discessum executioni mandare. Quo fiet, vt maiore suauitate & efficacità fiant, & Superiores immediati graui quadam molestiâ deonerentur: ipsiquemet incipient, quæ sunt muneris sui exequi, minimeque ad Prouincialis aduentum medicinas malorum præstolari. Quæ verò statim executioni mandari non poterunt, in memoriali, vt dictum est, notentur. Quòd si in posterâ visitatione Superioris culpâ nonnulla neglecta fuisse deprehenderit, is minimè impunitus abire debebit; ne Subditi offendantur, opinantes ea solùm fieri, quæ Præposito aut Rectori arrident; cetera oscitanter negligi. Porro Superiores, qui continenter negligentes ac remissi in Ordinationum executione fuerint, remouendi omnino erunt ab hoc munere, Generali Præposito præmonito;

*Superiores
remissi, vel
corrigendi,
vel ammouendi.*

ne ipsorum nimia conniuentia Religiosa disciplina penitus dilabatur.

12 Postremo plurimum momenti habebit, si Superiores omnes Societatis cum Præposito Generali, & Localis cum Prouinciali *Superiorum consensus in disciplina promouenda.* ad virgendam executionem conspirent: ita ut omnes intelligant, sibi que persuadeant, vnum eundemque in Societate animum esse in disciplinâ promouendâ; neque ad Superiores mediatos recursus in hac re quidquam prodesse posse. Eamdemque 'conspirationem in quolibet Collegio aut Domo esse oportebit in Superiore cum suis Consultoribus, Admonitore, & Præfecto spiritus, aliisque, qui promouere possunt executionem; ita ut idem sentiant, & dicant omnes. Quod si antiquiores aliquos obloqui de eâ contigerit, monendi seriò, & coërcendi erunt, si necesse fuerit, etiam publicis pœnitentiis, ne alios turbeat, minusque suauem executionem reddant.

INSTRUCTIO XIX.

De promouendis ad gradus
Societatis.

*Ad Caput III. de Examine in litteris
faciendo, hæc addenda.*

*Ne perfun-
ctorie pericu-
lum doctrina
fiat.*



Examen doctrinæ per-
functoriè fiat, sed seriò, &
vt verè conſter Præpoſi-
to Generali de ſufficienciâ
litterarum: proinde exa-
ctè ſeruanda curent Pro-
uinciales, quæ eodem

capite præſcribuntur.

*Examinato-
rum iudicia
ſcribantur.*

*Quomodo
ſerendum
iudicium.*

2 Vt in libro quodam peculiari, penes Pro-
uincialem aſſeruato, Examinatorum iudicia
ſcribantur ſingulorum ſingula; die, & anno an-
notatis ab ipſo Prouinciali, vel ab eo, qui præ-
erit examini; quamuis & ab vnoquoque Exa-
minatore idem iudicium ſeorſim ſcribendum
erit ad Generalem. Ij verd cùm iudicium de
doctrinâ ſerunt, vel ad Præpoſitum Genera-
lem ſcribunt, ſolùm de ſufficienciâ in litteris lo-
quantur, tantane ſit, quanta in Conſtitutioni-
bus requiritur; an videlicet ſupra mediocrita-
tem ſit, vel infra, vel in quo tandem gradu, iuxta
formu-

formulam scribendi; minimè recensitis superfluis, aut concionandi, gubernandi que talentis (de quibus in informationibus locus est agendi) & Præpositi Generalis erit diiudicare; ac dispensare, si necesse fuerit.

3 Et si quatuor minimùm assertiones ex quatuor partibus S. Thomæ, & tres ex cursu Philosophico (Logicâ scilicet, Physicâ, & Metaphysicâ, quarum vnaquæque tria membra saltem habebit) defendere debebit, qui examinandus est ad professionem; tamen eæ esse debent huiusmodi conclusiones, ut minimùm præcipuas Theologiæ ac Philosophiæ difficultates & materias inuoluant: quæ ab ipso Superiore cum Præfecto Studiorum examinando assignentur; cui quod satis sit spatij necesse erit dare, ne imparatus accedat.

Ex Deputat.
pro studiis.
Assertionē
materiam, tē-
pus, & assigna-
tur.

INSTRVCTIO XX.

Ad studia promouenda.



Est aliàs sæpè diuersis ex causis litterarum humaniorum studium valdè commendauimus; cum minimè obscurū sit, quanto perè Dominus Deus noster vel ab ipso exordio Societatis nostræ animarum auxilium, præsertim adolescentium, hac

Ex Deputat.
pro studiis.

Cohortatio
ad humaniora
studia pro-
mouenda.

ratione promouerit; nunc tamen, quando noua se offert occasio, ex variis Instructionibus, inter ceteras hanc vnam pro studiis, confectam in Deputatione de hac re habitâ in Sextâ Generali Congregatione, ad Prouincias mittendi, nullo modo prætereundum visum est (ob varias querelas à Patribus compluribus habitas, quarum nos quoque nonnullas multò antè inaudiueramus, huiusmodi litteras non solùm non florere, vt antè, in Societate, sed alicubi etiam languere apud Nostros,) quin iterum, maioremque in modum perhortaremur Superiores, in primis Prouinciales: vt omni studio excitare atque accendere conitarentur harum litterarum studium, non solùm in Nostris, verùm etiam in externis: quandoquidem certum est huiusmodi defectum oriri non tam ex perexiguo numero eorum qui possint, quàm qui velint se illis addicere; ac per leui etiam Superiorum propensione & industriâ in illis, vt oportet, fouendis promouendisque.

I Quamobrem magnoperè optamus, vt Prouinciales omnes non solùm seruanda curret diligenter, quæ hac in parte in libro studiorum præscripta sunt, Regulis præsertim

Maximi faciant Superiores hæc studia.

suis 18. 22. 24. 26. 29. 38. atque in 8. 9. 10. 11. & 20. Reçtotis: sed reipsâ iidem ostendant sibi cordi esse hæc studia; plurimique eos facere, quic ea non vulgariter callent; vt eorum quasi patrociniis magis inflammentur, excitenturque

turque alij ad eadem alacriter amplectenda.

2. Ut in hoc quasi primo congressu Prouinciales cum suis Consultoribus, aduocatis *Causa & remedia quaerenda.* iis, qui diu multumque in hac palæstrâ versati fuerint, seriò ac sedulò agant de causis, deque auxilio ferendo: & sicubi fortè minimè remedio opus fuerit, adnitendum illis erit, vt magis ac magis promoueantur: curentque, vt post exactam executionem eorum, quæ in libro studiorum præscribuntur, si quid amplius occurrerit, quod non parùm profuturum sperent tum ad styli comparisonem, tum ad auctores exactè & cum fructu legendos, periculum faciant, & ad nos mittant exemplum: *Si quid Generali suggerendum.* quemadmodùm Prouincialibus faciendum erit, cum singillatim quid hac in re præstiterint, admonendi erimus.

3. Ceterùm ad hæc studia promouenda satis erit præsidij, si non solum eos in Societatem admittant, quoad eius fieri poterit, qui probè ab illis instructi paratiq̃ue sint; verùm etiam si pro viribus studebunt, non vulgares ingenio, & ad cetera parùm aptos ad hæc studia addicere; sed eos, qui præter vim ingenij, aliarum scientiarum præsidia, ac lucem habuerint. Quo fiet vt & hæc studia in pretio apud alios haberi incipiant, & quàm plurimi his in litteris hoc nomine nobiliores fiant: in quibus difficilior fortasse fuerit vel vnum quempiam inuenire, quàm

non paucos in aliis scientiis, 'experientiâ hoc ipsum in dies edocente.

Part. 4.
Loqui Latine.

4 Quandoquidem B.P.N.IGNATIVS inter cetera ad studia promouenda hoc vnum tamquàm præcipuum, iis præsertim qui Humanioribus vacant, Latini sermonis vsurpationem esse voluerit; seridò Superiores incumbere oportebit in exactam Regulæ communis observationem, in 8. Rectoris libri studiorum explicatam; in quâ cum dicitur (*dies vacationum*) non generales studiorum feriæ intelligendæ sunt; sed hebdomadariæ tantùm eorumque dierum spatium, quibus commorabuntur in villis.

Quando vulgari idiomate loqui liceat.

Reg. 7. Præfecti stud. Ad alios Theologicos statuentes alterius iudiciū ad Magistrorum & Præfecti adiungi potest.

5 Et si cùm siue totius Theologiæ, siue partis alicuius theses defendendæ sunt, satis superque videantur esse Magistrorum ac Præfecti studiorum iudicia, quibus discipulorum doctrina perspecta esse debet; tamen si iustas ob causas Prouinciali videretur esse alius adiungendus, idque commodè fieri possit, permittimus eius arbitrio; dummodò is sit, qui & iudicium de doctrinâ tutò ferre possit, & eos, de quibus iudicandum est, probe nouerit.

Casus consentientia commendantur.

6 Curandum insuper est, vt Theologi, & Calistæ Scholastici in Casibus conscientiæ maximè instructi sint, cùm minimè obscurum sit, quàm res pernecessaria sit Operariis Societatis. In quam quidem rem vehementer cupi-

cupimus à Superioribus diligenter incumbi; ut fructus re ipsâ constet, ratione ad eum consequendum ab ipsis excogitatâ. Quamuis abundè satis nobis prospectum videatur, si hebdomadaria Casuum collatio in primariis Collegiis iuxta Regulam Prouincialis in libro studiorum diligenter habeatur.

Regul. 14.
Prou. &
Reg. 7. Prof.
consc.

INSTRVCTIO XXI.

Pro visitatione Prouincialis,

Ex variis Regulis, Ordinationibus, & Instructionibus collecta.

Quemadmodum se gerat Prouincialis in obeundâ Prouinciâ cum fructu: deque eiusdem statu Præposito Generali aperiendo.

Ex Deputat.
pro Superioribus,



Cum sit valdè proprium Prouincialis officij Prouinciam obire, præter ea, quæ habentur cap. 9. 12. 14. & 15. & ibidem Reg. 29 & 69. ne quid eorum prætereat, quæ muneri sunt, & ut Generali Præposito, ut præst, statuto-

tius Prouinciæ innotescat, hæc ferè in visitatione præstanda illi erunt,

*Qua Instru-
ctiones in vi-
sitatione, &
cum quibus
legenda.*

Primò iuuabit, si dum Prouinciæ suæ loca visitat (tum maximè cum & temporis spatium permittere, & necessitas aliqua id postulare videbitur) ex Instructionibus singulas cum singulis legat ad quos spectant, præter proprias regulas officij cuiusque; scilicet pro Præfectis spiritualibus formandis, pro Concionatoribus, pro Confessariis, pro Missionibus, pro Nouitiis cum eorum Magistro, pro tertium annum agentibus cum Instructore. Prætereà coram Rectore, Ministro, & Consultoribus Instructionem pro Confessariis, de ratione scribendi, de renouatione spiritus, pro Coadiutoribus, pro annuis colligendis, & pro Scholasticis, vbi eorundem est Seminarium: proderitque non parùm in primo congressu litteras ad Superiores datas anno 1604. die 20. Augusti, percurrere.

*Qua in visi-
tatione Vni-
uersitatum,
& studiorum.*

2. In Vniuersitatibus iuuabit eodem modo, si præter Regulas officij sui cap. 6. percurrat item suas, quæ sunt in libro studiorum: cum Rectore Regulas eiusdem; cum Præfecto studiorum, & quas habet proprias, & quas communes Professoribus superiorum facultatum; & cum singulis eorundem singulas; denique cum Præfecto inferiorum facultatum Regulas eiusdem, & communes Professoribus earundem.

3 Intelligat, an ex Ordinationibus Generalium, quæ statuta sunt de libris prohibitis, quæve circa monita ad Prouinciales, horam considerationis, intercessionis, & patrocinia præscripta sunt; quæque in Formulâ scribendi Superioribus & Consultoribus præscribuntur, seruentur. Interroget quoque num aliquid contra Canones 12. 13. 20. v. Congregationis Generalis commissum sit: an in suâ, vel alienâ Prouinciâ quispiam sit, qui malo vitæ exemplo, vel doctrinâ ceteris obsit: moneatque Generalem, quemadmodum ipsi Prouinciales ex Decreto vi. Congregationis tenentur.

Quæ Ordinationes non seruantur.

4 Cognoscat an fiant conferentiæ Casuum, an exhortationes alternis hebdomadis fructuosè, & ad cor; an item conferentiæ de Instituto quintodecimo quoque die inter Rectorem, Consultores, & quos Prouincialis designârit: & an eâ de re ad Generalem scribant. Ipse verò nullum Collegium prætereat, quin semel saltem huiusmodi conferentiis intersit, ut illas dirigat. Porro Superiores instruat, iuxta præscripta in Formulâ de aptis ad gubernandum, in Instructione pro Superioribus, & in litteris ad Superiores impressis, & in Regulis Visitatoris 24. 26. 27. 40. 41. 42. & 43. sensimque periculum faciat de iis, quos ad regimen iudicabit idoneos.

Quid ipse præstabit.

5 Exigat ab aliquibus disciplinæ amantibus,

*Qua de Superioribus
quaranda.*

tibus, bonoque iudicio ac prudentiâ præditis, quemadmodum Superiores in rebus spiritualibus se habeant: an passiones doment, & virtutes acquirant, num cum externis nimium occupentur, & ad exteriora sint nimium effusi: quàm seriò spirituali curæ, cultuique interno Subditorum vacent; politice ne, an paternè regant. De Præfectis itidem spiritualibus, quemadmodum suo munere fungantur, & an exemplo & instructione iuuent in spiritu.

*De Congregationibus,
& scholis.*

6 Congregationes, & Oratoria, quæ in nostris locis habentur, inuisat; eorumque Regulas examinet, an seruentur, & an accommodæ sint ad illarum finem: idemque de Academicis ex earum Patribus intelligat, quas habeant exercitationes: de fructu, deque regularum obseruatione: à Præfectò verò atrij, vel scholarum Inferiorum cognoscat, tum Magistrorum, tum Scholasticorum externorum disciplinam.

*De quibus
consultet.*

7 In Domo professâ, vel in maximo Collegio quorannis consultationem instituat, aduocatis, præter suos Consultores, aliquibus antiquioribus Patribus, in quâ de rebus maioris momenti pertractet; inter cetera, de promouendis ad gradus, de aptis ad gubernandum, de satisfactione, quæ auditur de gubernatione singulorum Superiorum Prouinciæ; de Præfectis rerum spiritualium instituendis,

&

& Seminariis præfigendis; denique de sacris initiandis, vel ad tertium probationis annum mittendis; & similibus.

8 Curet quotannis singulis in Collegiis ac Domibus ad mensam legi, ante renouationem votorum, litteras de renouatione spiritus, de perfectione, & caritate fraternâ, de *Qua legenda quotannu ad mensam.* conseruatione Instituti, Regulas Scholasticorum, & Coadiutorum temporalium; Catalogum P. Natalis, quibus de rebus nostri recreationis tempore colloqui possunt; denique *Dec. 75. 6. 5. Cong. 7. Ex Instruct. pro Conuocatione.* Generalia monita, quæ ab omnibus obseruari oportebit.

9 Quæ verò per se ipsum minimè præstare poterit, Socio committat; ea videlicet, *Qua Socio committenda.* quæ parui sunt momenti: iubeatque ad se referre, quæ dubia sunt, & quænam executioni mandauerit. Itaque non exiguo onere à Socio leuari poterit, si temporalia, de quibus cap. 9. in Regul. Prouincialis; si archiuum, iuxta Regul. 19. 20. 21. si instrumenta itinera-ria communia Prouinciæ, vel alicuius Collegij propria; si rationes accepti, & expensi; si officinas, & œconomiam domesticam, si an extent libri Ordinationum iuxta Instructionem inspexerit: si colliget numerum Sociorum in Sodalitiis, Scholasticorum externorum, & ordinariorum pœnitentium: obseruabitque vniiformitatem consuetudinum in Prouinciæ domiciliis. Quoniam verò mone-
re

re debebit Prouincialem de iis, quæ dicuntur in Instruktionem pro Superioribus, eidemque suggerere, si quæ fortè ille præteriret ex spectantibus ad suum munus; quò commodius id præstare possit, eius instructionis exemplum penes se habebit, eamque singulis in Collegiis percurreret, obseruando si quid obliuioni datur.

*De quibus
ad Generalem
scribat,*

10 Meminerit etiam Prouincialis, sui esse muneris, quotannis scribere ad Præpositum Generalem de iis, quos ad Sacros Ordines promouerit: quos Præfectos spiritus præfecerit, & quomodo se gerant: quos de defectibus cur promotio ad gradum differretur, scripto monuerit: cur tempus vel priuatim sanctis Patribus legendis futuris Concionatoribus, vel tertij anni probationem aliquibus differri oportuerit: quemadmodum in hac probatione se gesserint: quinam libri prohibiti in Collegiis afferuentur: Vt Superiores in modo exigendi rationem conscientiae se gerant: quos Examinatores Promouendorum ad gradum designauerit, vt à Generali confirmentur: quos Consultores, & Admonitores elegerit: num obseruetur Ordinatio de non vitandis feminis: quomodo Superiores præstent, quæ habentur Instr. pro Superioribus: vt conferentiae pro formandis Superioribus successerint: tandem quinam remissi ac negligentes in gubernatione sint. Præterea quot-

quotannis mittat ad Generalem Informationes ad gradus: sub finem cuiusque anni tertium Catalogum, & puncta pro annuis; catalogum etiam eorum, qui profectiorem Indicam postulant, præmissâ informatione status, ac talentorum quæ habent; speciatim necessitatis parentum, cum iudicio eiusdem Prouincialis. Postremò tertio quoque anno Catalogos communes, & informationes ad regimen per Procuratorem mittat.

Quas informationes Romanæ mittet.

II Peractâ visitatione cuiusque Collegij ac Domus, vel Prouinciæ, prout ipsi commodum fuerit, litteras de singulis domiciliis ad Generalem scribet, quæ tria capita complectentur; ut iuxta Reg. 92. sui officij, Præposito Generali aperta sint omnia. Primo quidem ea exponet, quæ ad personas ipsas spectant, & talenta, moresque describet tum Superioris; an spiritualis, an suavis, & fortis in gubernandi ratione, an politicus, & an in illo munere retinendus, an amouendus; tum subditorum, quinam illi sint, spirituales, obediētes, an discipuli; quæ ministeria obeant, quo fructu, & quâ satisfactione. Altero statum spirituales Collegij, ac Domus indicabit; an vigeat regularum observatio, an langueat, & quinam frequentes defectus, quæ causæ, quæ remedia adhibita: idemque erit iudicium de ministeriis nostris, rectene obeantur, quo fructu, quâ frequentiâ. Terrio denique temporalem statum

Littera ad Generalem danda.

De persona.

De statu spirituali loci.

De temporali.

ostendit: nimirum quot alantur, quibus red-
itibus, siue eleemosynis, & an ære alieno
grauentur, & quomodò occurrendum. Quæ
omnia compendiò explicari oportebit; & tum
maximè, cùm aliàs scripta non fuerint, aut ali-
quid erit noui, de quo certiozem fieri oport-
teat Generalem.

F I N I S.

IN-

I N D E X.

A

Absolvere à censuris
Nostri, quâ formulâ
debeant. 23.

Accipere ad usum propriû,
nihil cuiquam licet. 83.
accipiendi, dandiq; facul-
tas generalis non facile cõ-
cedenda. 73.

Antiquiores paupertatis e-
xemplo praludere aliis de-
bent. 8. patrocinia iunio-
rum ne suscipiant. 34.

B

P. Borgia meditationes
triduo recollectionis
ante votorum renou. le-
genda. 93.

C

Casuum conscientia stu-
dij commendatio 104.
hebdomadaria in prima-
riis Collegiis collatio. ibi-
dem. & 16.

Coadiutores temporales qui-
nam difficilius admitten-
di. 31. 32. quibus de rebus
in Nouitiatu precipuè in-

blicis officiis ante bienniu
non occupâdi. ibid. quâ cu-
râ in Collegiis iuuâdi. 36.
conferentia ad illos inter-
dû loco doctrina Christia-
na. 37. soli ut exeant non
facile permittendum. 38. ad
pradia procuranda quales
deligendi, & quomodo ver-
sari in iis debeant ibid. non
contenendi, neque vexan-
di, sed in quiete fouendi.
ibid. docendi, ut ad Supe-
riorem referant de iis, quo-
rum socij fuerunt. 85. quâ
pœnâ mulcandi, si non re-
ferant. 88.

Colloquia ad ianuam refra-
nanda. 67. praesertim in
Scholasticis. 90.

Communione frequentia in
ecclesijs nostris. 19.

Cõcionatores quæ potissimum
seclari, quæ vitare debeât.
14. singularitates illis ex-
emptionesq; non facile cõ-
cedenda. ibid. de iis qui cibis
Quadragesimalibus vesci

- ad aliorum imitationem
quatenus se componēt. 13.
priuato antē studio scri-
ptura & meditationi va-
cent. 14. 81. qui rariora
ostendunt talenta ne diu
in docendo resineatur. 15.
Conciones in refectorio qua-
les esse debeant. 11. bidui
spatium ad eas parandas.
12. non permittendum ut
immodicē laudentur aut
carpātur à quibusuis. ibi.
Concionum prefectus, eius-
que officium. 11. 12.
Conserētia casuum. 26. 105.
de modo iuuantis proxi-
mos. 27.
Confraternitates in missio-
nibus inchoanda, vel pro-
mouenda. 64.
Confessarij maturi sint mo-
ribus. 15. affici ad munus
suum debent, & tenuiores
libenter audire. 22. spiritū
ac zelum quo modo exci-
tabunt. 22. etiam quā va-
riatione vitalunt. 23. in mu-
lierum confessionibus ob-
seruare qua debeant. 16.
17. 18. earum, ac praesertim
pauperum familiaritate
cauant. 86. communionem
intra hebdomadam ne cō-
cedant. 19. Ad Ecclesiam
intempestiuē ne accedant.
86. penitentes suos aliē
cōfiteri ne agre ferant. 87.
notitia per confessionē ha-
bita uti caueant. 30. ad
soluere à censuris qua fir-
ma debeat. 23. ad tempus
interdū mutādi sunt. 22.
in tēplo si fieri potest quo-
tidie aliqui praesto sint. 23.
Confessionalia quomodo col-
locanda. 86.
Conscientia ratio quo pacto
exigenda. 55. eius & con-
fessionis generalis discrimen. 69. cogendi non sunt
nostri ut extra confessionē
eam reddāt. 70. eius usus
& necessitas in exhorta-
tionibus inuolcāda. ibid.
Consultores ad Prouincialē
scribāt de executione me-
morialis. 95. 96. de Pra-
fecto rerū spiritaliū. 53.
Consultores Prouincialis ad
Generalem scribāt an ser-
uetur ordinatio de ordi-
nandis 6. an cōsultationes
singulis mensibus fiant de
disciplina Prouincia. 95.
Curiosa nostris iter agenti-
bus vitāda. 7. Item in re-
liquo vite usu 9.
D
Doctus saltem sit vnus
in singulis Collegijs qui
alios exerceat. 28.

I N D E X.

E

E Leemosynas ad proprium
usum accipere non li-
cet. 83. quomodo in mis-
sionibus dande. 63. quo-
modo distribuenda à Con-
fessariis. 86.

Emptores soli ne eant prater-
quam in iis, quæ sunt offi-
cij. 38.

Examē doctrine ad gradum
seriō faciendū. 100. quot,
et quales in eo theses esse
debent. 101.

Examinatorum iudicia in
libro notanda. 100. iidem
scribere debent ad Gene-
ralem. ibid.

Executionis urgenda adiu-
menta. 94. Et. ad eam
conspirare omnes debent,
qui promouere illam pos-
sunt. 99.

Exercitia spiritualia Nostri
quotannis obeunda. 67.
concionatoribus frequen-
tāda. 14. item Scholasticis
spiritu remissis. 34. à No-
uitiis initio integra fiant:
altero anno non item. 90.
In missionibus tradenda

F

Femina officij causa visi-
tari, quæ, et à quibus
queat. 20. 21. 84. in earū
confessionibus obseruanda
16. Et. 85. 86. earū dona-
ria à concionatoribus non
facile admittenda. 14. fa-
miliaritas Confessariis vi-
tanda, præsertim tenuio-
rum. 86.

H

Horologia rotata Nostri
Interdicta. 9.
Humaniorum litterarum
commendatio. 101. earum
periti magni faciēdi. 102.
quinā illis applicādi. 103.

I

Imagines magni valoris nō
concedenda Nostri. 9.
Imitari alios quatenus nō
concionatores possint. 13.

Instrumenta contractuum
Romam mitti quomodo
debeant. 44.

Iter agentibus superflua nē
permittātur. 7. eorum ne-
cessitati prospiciendū. 81.

Itinēris instrumenta in Col-
legiis seruāda. ibid. in cu-

- debet. 9. qui aliud asportari Superiorum permissu possint. *ibid.* empti alicuius opera, loco applicandi sunt. 10.
- Linguae vitia refrananda, auctoresq; inuestigandi, & puniendi. 72.
- Litterarum ad Generalem necessaria moderatio. 40. priuatim scribere quisque potest, cum volet. 41. seruanda scribendi formula. *ibid.* prius ad Prouinciale scribendum, quam ad Generalem referatur. 42. de eadem re iterato non scribendum, non expectato responso. *ibid.* Soli inscribenda tantum, qua secreta continent, alia seorsim in aliis litteris exponenda. 43. quo charactere, ac methodo scribendum. 45. alia in his litteris obseruanda. 46.
- Loci mutatio, & quid in ea curandum. 7.
- M
- Magistri Nouitiorum iudiciu in dimitendis ineptis magni faciendum. 31. Exercitia spiritualia differri ordinariè non permittat. *ibid.* initio integra fiant, altero anno non item, 90. erga con-
- tores temporales curare quae debeat. 32. Nouitiorum bona usque ad biennij finem, intacta seruet. 33. neque interim quicquam exigat ab eorum parentibus *ibid.* Nouitiis ostendat, quae de manifestatione delicti statuta sunt in vj. Cōgreg. 90. Exhortationes habeat de regulis. 89. Scholasticos cum educuntur, monere quid debeat. 33. ad Collegia tēpore vacationis educendi non sunt. 89.
- Magistri cubicula inuicem non ingrediantur sine licentiā. 91. colloquendo cū externis Scholasticis rempus ne terant. 92.
- Memoriale in uisitatione relictum. 94.
- Minister nè conadiutores nimis urgeat. 39.
- Missionum finis. 58. illas ob-euntibus, quae obseruanda. 59. & seqq. cum caritate ad eas profecturus prospiciendum. 31.
- Missionis Superior est, qui prior in patentibus. 64.
- Missiones duorum, aut trium dierum. 27. à Praefecto rerum spiritualiū obiri breues possunt. 52. à Confessariis etiam mēstrue. 87.

I N D E X.

Mortificationū tabella tem-
pore vacationum. 35.

N

P. **N**atalis Catalogus,
quotannis ad men-
sam legendus. 77.

Notitia per confessionē habi-
ta, uti licere Nostri ne do-
ceant, neque ea utantur.
29. 30.

Novitij cum delectu admit-
tendi. 31. inepti facile di-
mittendi. ibid. Scholastici
per biennium in Novitia-
tu retinendi. 32. coadiu-
tores per annum. ibid.

O

Ocupationes Sacerdo-
tum propria. 25. 26.
27. propria Superiorū. 28.

Orationis studium in No-
stris promouere qua pos-
sint. 66.

Ordinibus sacris initiandi
quales esse debeant. 4. 15.
recens ordinati quandā ad
mulierum confessiones ap-
plicandi. 15. 16.

P

Patrocinia iuniorum se-
niores ne suscipiāt. 34. 35.

Pecunia itineris causa ne
conquiratur à consangu-
ineis. 8. nec ad describen-
das lectiones. ibid.

Pœnitentiarum secretarum
usus excitandus. 73.

P. Polanci Directorium, &
methodus Sacerdotibus
nostris commendantur. 25.
in missionibus dari potest
directorium. 62.

Politica agendi ratio Nostri
vitanda. 75.

Praefectus concionum, eiusq;
officium. 11. 12.

Praefectus Ecclesiae confessa-
rios obseruet, an vulgares
refugiant. 22.

Praefectura spiritalis quāti
momenti. 47. quales rerū
spiritalium Praefecti esse
debeāt. 48. & seqq. quā
ad hoc munus designandi.
49. quā in magnis Se-
minariis. 51. maturè ad
hoc munus seligendi idonei
& formādi. 50. quos pra-
cipue libros legere debeāt.
51. in aliis rebus parcè oc-
cupandi. & quibus nā. 52.
erga coadiutores tempora-
les quomodo se gerent. 27.

- auſtoritatem in ſubditis*
tueri ſtudeant. 53.
Principum familiaritas in
noſtris praeſidenda 74.
Prouincialis Superiores ſibi
deuinciat. 96. *ſubditorum*
de illis querelas diligenter
examinet. *ibid.* *inquirat*
quam cautè in exigendâ
ratione conſcientia ſe ge-
rant. 57. *eos puniat qui*
praſcripta non exequun-
tur. 98.
In admittendis delectum ha-
beat. 31.
Confeffarios Miſſionũ occa-
ſione interdum mutet. 21.
In cõſonatorũ cibis quo-
modo diſpenſabit. 14.
In viſitatione praſtare qua
debeat. 105. & *quid per-*
actũ viſitatione ad Gene-
ralẽ ſcribere. 111. *A Pra-*
fecto rerum ſpiritualium
rationem expoſcat. 53. *De*
feminarum viſitationi-
bz ſtatuat. 20. 21.
In ordinationibus ſpectare
quid debeat. 95. *quales il-*
las, & quomodo relinque-
re. *ibid.* *Curet praſens exe-*
cutioni mandari qua ſine
morâ fieri poſſunt. 98. *de-*
lationibus facilè ne cre-
dat. 96. 97.
Inuiſio menſis conſulcet de to-
tius Prouincia diſciplinâ.
96. Cõſultores moneant & ſ-
cribant Generali an por-
netur ordinatio de promo-
uendis ad ordines. 6. *Gene-*
ralem moneat, quos rerũ
ſpiritualium praefectos de-
ſignarit, praefertim in ma-
ioribus Seminariis. 54.
Studia humaniorum lic-
terarum promoueat. 101.
Examinatorũ iudicia in
libro notet. 100. *Qui in*
aliquo loco malè ſe gerunt,
ibid. *iunãdos curet, priuſ-*
quam aliõ mittantur. 7.

R

Recreatio quotidiana
quomodo tranſigenda.
76. &c. eius ſermonum
materia. 77. *Sacramentũ*
viſitandi cõſuetudo. *ibid.*
Reliquiaria pretioſa Noſtris
non permittenda. 9. *Unius*
aures valorem non exat-
dant. 73.
Renouationem votorũ pra-
cedat triduanæ recollectio.
92. 93.

S

Sacerdotum occupationes
varia 24. *quæ ad ſpiri-*
ritum pertinent. *ibid.* *ad*
ſtudia. 25. *ad proximos.*
26. 27. diuinũ Officiũ &
Miſſa deuotè recitãda. 67.

Scho-

I N D E X.

Scholastici è Nouitiatu ante
 biennij finem non educen-
 di. 32. quâ de re monendi
 cum educuntur. 33. quan-
 tâ curâ in Collegiis edu-
 candi. 34. Non debent ni-
 mij esse cum externis. *ibid.*
 ad ianuam sine expressâ
 Rectoris licentiâ non vo-
 candi. 90. Horam habeant
 designatâ, qua Magistros
 studiorum caussa cõueni-
 re liceat. 91. Litteras aut
 munera dare vel accipere
 ne assuescant sine necessi-
 tate. 34. Seniorum fami-
 liaritatē & patrocinia ne
 capient. *ibid.* Si lectiones
 scribere non possunt, pe-
 cunia à Collegio suppeditetur
 8. quomodo iuuandi
 qui spiritu languēt. 35. ad
 indifferentiam excitandi.
ibid. eriduo ante votorum
 renouationē se recolligāt.
 92. 91. Scholasticorū heb-
 domadaria recreatio domi
 vel in pradio quomodo in-
 stituenda. 92. quando illis
 vernaculâ vti liceat. 104.
 Secretario tantum Societa-

bent si quid à Confessariis
 contra Regulam xvlij. fiat
 Sacerdotum. 19. 85. 87.
 Idem in omni aliâ Visita-
 tione prandium. 89. soli
 relinqui non debent, ne
 sint ipsi sine teste. 19. facile
 à Superiore dandi, cum ad-
 iuuandum proximum pe-
 tuntur. 23.

Socij Procuratorum prater-
 quam in rebus officij pro-
 priis soli non eant. 37. 38.
 Spiritus studij quibus
 modis excitetur, & pro-
 moneatur. 65.

Superiores locales omnium
 necessitati provideant, ne
 superfluis detur occasio. 7.
 8. Conscientia rationē pa-
 ternē exigant. 55. Secreti
 filem in eâ diligenter ser-
 uent. 56. politicam agendi
 rationem caueant ipsi, &
 in aliis. 75. Praefectum ro-
 rum spiritualium susce-
 ptum ne habeant. 53. In
 exhortationibus peniten-
 tiarum secretarum usum
 excitent. 74. de recreatio-
 ne agant fructuosē transi-

I N D E X.

- possint 91. si qui lectiones scribere non possunt, current ut Collegij sumptibus de cribantur. 8.
- Coadiutores temporales frequenter alloquantur. 37. conferentias ad illos habeant. ibid. caueant ne ab aliis contemnantur 38.
- Prius consultent, quam de re aliquâ scribant ad Prouincialē, aut ad Generalem. 41. 42. Consultationis tempore legat aliquid ex regulis vel ordinamentis. 94. singulis mensibus legat Memoriale à Prouinciali relictū. ibid. primā mensis hebdomadā consultet de executione. 96.
- Vitiorum linguæ auctores inquirat & puniant. 72. dandi & accipiendi facultatem generalē non facile concedant. 69. 70. pœnitentius errata castigent. 98.
- in cibis Concionatorum non dispensent inconsulto Prouinciali. 14. cū aliquis aliō migrat informet de eo Loci Superiorem. Videant quomodo eruentur in Ecclesia qua de Confessarius statuta sunt. 87.
- Regula xvij. Sacerdum & aliarum qua ad feminas spectant obseruationē curare ut debeant. 18.
- Superiores in officio nimis remissi, ab eo remouendi. 98.
- Superiorū occupationes propria. 28.
- Syndici Confessariorum. 17. 87. in recreatione. 78.
- T
- Theologicorum actuum qui iudices 104.
- Toni cum fructu fieri qui possint. 12. 13.
- V.
- Vestes duplices, & uerneris instrumenta in cubiculo ne sint 8.
- Viatice Nostrorum qualia esse debeant. 7.
- Visitationes inutiles resendant. 66.
- Vota renouaturi triduo se ante recolligant. 92. 93.

F I N I S.

201 1920392